

重校刻平津館叢書

第

集



續古文苑卷第十三

賜進士及第授通奉大夫山東通省督糧道加三級孫星衍撰

頌

寶將軍北征頌

漢傳 毅

逮漢祖之龍興，荷天符而用師，曜神武於幽冀，遇白登之重圍，何獯鬻之桀虐，自弛放而不羈，哀昏戾之習性，阻廣漠之荒垂，命寶侯之征討，躡衛霍之遺風，奉聖皇之明策，奮無前之嚴鋒，探伊吾之城壁，蹈天山而遙降。案此處藝文類聚未備引曝名烈於禹跡，奉旗鼓而來旋，聖上嘉而褒寵，典禁旅之戎兵，內雍容以詢謨，外折衝於無形，惟倜儻以宏遠，委精慮於

續苑十三

一

朝廷

司隸校尉楊孟文石門頌

并序

漢王 升

惟靈定位，川澤股躬，澤有所注，川有所通，余谷之川，其澤南隆，八方所達，益域為充，高祖受命，興於漢中，道由子午，出散入秦，建定帝位，以漢詆焉，後以子午，莖路並難，更隨圍谷，復通堂先，凡此四道，堦鬲尤艱，至於永平，其有四年，詔書開余鑿通石門，中遭元二，西夷虐殘，橋梁斷絕，子午復循，上則縣峻，屈曲流顛，下則入窳，頎寫輪淵，平阿涼泥，常蔭鮮晏，木石相距，利磨确解，臨危槍礪，履尾心寒，空輿輕騎，遶尋弗前，惡虫齧狩，蚺蛭毒蠱，未秋截霜，稼苗犬殘，終年不

登匱餒之患，卑者楚惡，尊者弗安，愁苦之難焉。可具言於是，明知故司，隸校尉，樵爲武陽楊君，厥字孟文，深執忠伉，數上奏請，有司議駁，君遂執爭，百遼咸從，帝用是聽，廢子由斯，得其度，經功飭爾，要敞而晏平，清涼調和，烝二艾，盍至建和二年仲冬上旬，漢中太守樵爲武陽王升字稚紀，涉歷山道，推序本原，嘉君明知美其仁賢，勒石頌德，以明厥勳，其辭曰：

君德明二，焯煥彌光，刺過拾遺，厲清八荒，奉魁承杓，綏億衙疆，春宣聖日，秋貶若霜，無偏蕩二，眞雅以方，寧靜烝庶，政與乾通，輔主匡君，循禮有常，咸曉地理，知世紀綱，言必忠義，匪石厥章，恢○大節，讜而益明。

續苑十三

二

揆往卓今，謀合朝情，醜艱卽安，有勳有榮，禹鑿龍門，君其繼縱，上順斗極，下荅〳皇，自南自北，四海攸通，君子安樂，庶土悅雍，商人咸懽，農夫永同，春秋記異，今而紀功，垂流億載，世二嘆誦。

序曰：明哉仁智，豫識難易，原度天道，安危所歸，勤二竭誠，榮名休麗。

武都太守李翕西狹頌

并序

漢武都太守漢陽阿陽李君，諱翕，字伯翹，天姿明敏，敦詩悅禮，膺祿美厚，繼世郎吏，幼而宿衛，弱冠典城，有阿鄭之化，是呂三荀，苻守致黃龍，嘉禾木連甘露，之瑞動順經古，先之呂博愛，陳之呂德義，示之呂好。

惡不肅而成不嚴而治朝中惟靜威儀抑抑督郵部
職不出府門政約令行強不暴寡知不詐愚屬縣趨
教無對會之事傲外來庭面縛二千餘人年穀屢登
倉庾惟億百姓有蓄粟麥五錢郡西狹中道危難阻
峻緣崖俾閣兩山辟立隆崇造雲下有不測之谿阨
芒促迫財尚車騎進不能濟息不得駐數有顛覆賈
隧之害過者創楚惴惴其慄君踐其險若涉淵水嘆
曰詩所謂如集于木如臨于谷斯其殆哉困其事則
爲設備今不圖之爲患無已勅衡官有秩李瑾掾仇
審曰常繇道徒鑿燒破析刻留確鬼滅高就埤平夷
正曲柙致土石堅固廣大可呂夜涉四方无雍行人

續苑十三

三

懼備民歌德惠穆如清風乃刊斯石曰

赫赫明后柔嘉惟則克長克君牧守三國三國清平
詠歌懿德瑞降豐稔民呂貨殖威恩並隆遠人賓服
鑿山浚瀆路呂安直繼禹之迹亦世賴福 建寧

四年六月十三日壬寅造

漢故穀城長蕩陰令張君表頌 并序

君諱遷字公方陳留己吾人也君之先出自有周周
宣王中興有張仲以孝友爲行披覽詩雅煥知其祖
高帝龍興有張良善用籌策在帷幕之內決勝負千
里之外析珪於留文景之間有張釋之建忠弼之謨
帝遊上林問禽狩所有苑令不對更問嗇夫嗇夫事

對於是進嗇夫爲令，令退爲嗇夫，釋之議爲不可。苑
令有公卿之才，嗇夫喋喋小吏，非社稷之重。上從言
孝武時有張騫，廣通風俗，開定畿寓，南苞八蠻，西羈
六戎，北震五狄，東勤九夷，荒遠旣殫，各貢所有。張是
輔漢，世載其德，爰旣且。金石文字記云：暨之誤。於君蓋其纏縛
纘戎，鴻緒牧守相係，不殞高問。孝弟於家中，謇於朝
治京氏，易聰麗，擢畧，藝於從畋。案吳玉搢金石存釋作政字，當是書丹誤。
也。少爲郡吏，隱練職位，常在股肱，數爲從事，聲無細
閒，徵拜郎中，除穀城長，蚤月之務，不閉四門，臈正之
儻，休囚歸，賀八月，筭民不煩於鄉，隨就虛落，存恤高
年，路無拾遺，犁種宿暨，黃巾初起，燒平城市，斯縣獨

續苑十三

四

全子賤，孔蔑其道，區別尚書五教，君崇其寬，詩云：愷
悌，君隆其恩，東里潤色，君垂其仁，邵伯分陝，君懿于
棠，晉陽珮璋，西門帶弦，君之體素，能雙其勛，流化八
基，遷蕩陰，令吏民頡頏，隨送如雲，周公東征，西人怨
思，奚斯讚魯，考父頌殷，前詰遺芳，有功不書，後無述
焉。於是刊石豎表，銘勒萬載，三代以來，誰遠猶近，詩
云：舊國其命惟新。

於穆我君，旣敦旣純，雪白之性，孝友之仁，紀行來本，
蘭生有芬，克岐有兆，綏御有勛，利器不覲，魚不出淵，
國之良幹，垂愛在民，滂沛棠樹，温温恭人，乾道不繆，
唯淑是親，旣多受祉，永享南山，干祿无疆，子子孫孫。

表

惟中平三年歲在攝提二月震節紀日

上旬陽氣厥柝感恩舊君故吏韋萌等僉然同聲
石孫興刊石立表以示後昆共享天祚億載萬年

麒麟頌

吳薛綜

懿哉麒麟惟獸之伯政平觀景否則戢足德以衛身
不布牙角屏營唐日帝堯保祿委體大吳以昭遐福

天祚聖帝享茲萬國

又見藝文類聚少帝堯保祿二句享茲

鳳頌

吳薛綜

猗與石磬金聲玉振先王搏拊以正五音百獸翔感
儀鳳舞麟在昔堯舜斯磬乃臻宗廟致敬乃有來顧

贊揚聖德上下受祚

案詳文義當是磬頌今仍藝文類聚舊題云

續苑十三

五

梨樹頌

晉王讚

太康十一年梨樹四枝與中枝合生于園皇太子令
侍中頌之

嘉木時生瑞我皇祚修榦外揚隆枝內附翌翌皇儲
克光其敬神啓其和人隆其盛降自元圃合體連性
時惟令月躬親北林樂在同人如蘭如金木之期應
乃同其心同心之生啓自神明在心斯動於言斯形
先民有則稱詩表情惟永作歌以休厥靈案隋書經籍志梁有

散騎侍郎王讚集五卷七

黃帝頌

晉牽秀

邈矣軒轅應天載靈通幽遠覽觀象設形誕敷厥訓

彝倫攸經德從風流化與雲征皇猷允塞地平天成
爰登方岳封禪勒成紛然鳳舉龍騰天清違茲九土
涉彼高冥民斯攸慕涕泗沾纓遐而不墜式頌德聲

木連理頌

晉湛方生

相彼神奇遠見禎祥兩樹連柯本枝俱昌皇基增構
靈祚維長運隆周室道均三王丕顯奕世國風載揚

後漢史君頌

晉史 援

山嶽降精川瀆耀靈猗歟史氏世濟其英忠言允塞
嘉猷有聲從容變理散誕飛纓含香青瑣敷奏丹庭
有犯無隱唯言是聽王室斯賴諸侯以寧內侍帷幄
外典專城爲政以德察獄以情化俗草偃溪谷風清

續苑十三

六

金相玉質不隕厥名處溢不驕居勞不憚視險如夷
忘身逐叛駟頌美魯青蒲安漢執簡書僣姦邪逃竄
匪君之忠孰能戡亂在昔隆漢姻婭皇家唯帝念功
爵命屢加三台五鼎駙馬奉車腰佩兩印綬帶雙綬
何彼禮矣常棣之華如珪不玷似玉無瑕節之以禮
儉而不奢篤生我侯英畧備舉有藝有才能文能武
孝以奉親忠惟衛主赤眉始結白波猶侮執銳破堅
斬馘滅虜截彼長蛇殲斯猾豎策賞廟堂書勲王府
功成弗居名立不取簡在帝心酬封祚土厥土惟何
在溲之許初食三千卒封萬戶葭莢揭揭麀鹿麇麇
禾役旆旆原田膺膺俯營川陸魚鹽所聚蝗飛火滅

還珠去虎子民輯悅建茲城宇大厦眈眈聽政之所
祠堂石殿生靈攸處字春秋兮祭祠不阻建康志云
史君崇墓在溧陽縣北三十里考證云節為司空驃
騎將軍青翼二州刺史贈溧陽侯使持節徐充二州
刺史有神道碑在臺所晉永和八年立唐貞觀十四
年十八代孫越王府東閣祭酒常州長史仲謙題云
隋末大亂避地閩越碑壞再立其頌曰云云今考此
頌為崇十三世孫寧朔將軍中郎將援所作建康志
未載援名故題之以補其闕

芍藥花頌

晉傅統妻

嗒嗒芍藥植此前庭晨潤甘露晝晡暘靈曾不踰時
荏苒繁茂綠葉青葱應期吐秀細蕊攢挺素華菲敷
光譬朝日色艷芙蓉媛人是採以厠金翠發彼妖容
增此婉媚惟昔風人抗茲榮華聊用興思染翰作歌

續苑十三

七

案隋書經籍志梁有晉散騎常侍傅統
妻辛蕭集一卷亡統仇不同未知孰是

菊花頌

晉傅統妻

英英麗草稟氣靈和春茂翠葉秋曜金華布獲高原
蔓衍陵阿揚芳吐馥載芬載葩爰採爰投之醇酒
御於王公以介眉壽服之延年佩之黃耆文園賓客
乃用不朽

姜嫄頌

晉劉柔妻王氏

英英姜嫄實德之純肇承靈瑞武敏是遵誕育岐嶷
毗贊皇綸播殖之訓萬葉攸循案隋書經籍志梁有
晉劉柔妻王邵之集

十卷

啓母塗山頌

晉劉柔妻王氏

塗山靜居元朗悟幾大禹至公過門不歸明此道訓
孩允是綏仁哲以成永繫天暉

麒麟頌

晉西涼武昭王

一角圓蹄行中規矩游必擇地翔而後處不入陷阱
不罹網罟無德而至爲之折股

溫泉頌

魏元 萇

魏使持節散騎常侍都督雒州諸軍事安西將軍雒
州刺史松滋公河南元萇振興溫泉之頌 并序
夫駕輕煙勒麟鳳駛及奔星走攀流月蟬變羽化之
民食霞口口之士斯蓋有道存焉固非人事之所觀
覲至若泥行水驟血食之夫興沒自天去來非已寸

續苑十三

八

陰口於朝露百齡迅於滅電一物不諧則眈贅以生
庶事不康則風火以敗故聖王口百姓之多疹撰藥
石以濟之造化愍蒼生之鳩毒設甘餌以救之蓋温
泉者乃自然之經方天地之元醫出於河渭之南泄
於麗山之下淵華玉澈口清數刃靈感超異峻極不
測無樵薪之爨而揚湯沸於楚鑊無公諫之探而寒
暑調於夏鼎高塘之雲朝舞於水湄巫山之雨夕收
於淵際青林碧草含露而逆岸香風蕙色列口而環
渚於是左湯谷右濛汜南九江北瀚海千城萬國之
氓懷疾枕痾之口莫不宿糧而來賓療苦於斯水但
上無尺棟下無環堵悠悠君子我將安泊孤忝發軔

咸池分條紫漢道屬昇平弱年數仕旣歷通顯朝望已隆爰自常伯出居分陝地兼陸海之饒祿厚封君之室而報天之効無聞卹民之譽安在每思傾口微寒深責以爲斯泉天實置之而人畧未備迺翦山開鄣因林構宇邃館來風清簷駐月望想煙霞遲羽衣之或顧願言多士恕因茲以蕩穢迺作頌曰

皇皇上靈愍我蒼生泌彼温泉于此麗川其水尅神尅神尅聖濟世之醫救民之命其聖伊何排霜吐旭其神伊何吞朧去毒無藉烟炭誰假樵木湛若虞淵沸如湯谷東枕華山西扼咸陽連疇接畛墟落相望彩林爭翠棗樹成行香風旦起文霞夕張陟彼麗山

續苑十三

九

望想千里迺作高堂鴻飛鳳起三輔之英五都之士慕我芳塵爰居爰止其德旣酋其聲旣遠金華屑桂春山九轉目放羣羊手口口犬控鵠來思俊我口堂而下闕

隴東王感孝頌

并序

北齊申嗣豈

惟夫德行之本仁義之基感洞幽明擾馴禽獸清音帶冰而挺潔素采映雪而流輝根矩定於一丸丘吾絕於三失開府儀同三司尚書右僕射尚書左僕射尚書令攝選新除特進使持節齊州刺史隴東王胡長仁雌黃雅俗雄飛戚里入膺北斗執柄端衡出牧東秦揔條連率未脫崔林之屣聊帽賈宗之簷視聽

經過訪詢耆舊郭巨之墓馬鬣交阡孝子之堂烏翅
銜自君王愛竒好古歷賢徘徊如息在傍賓僚侍側
躡疑秦鏡炳煥存彤柱識荆珉宋寥遺字所以斂眉
長歎念昔追遠遂若羊公登峴還同處墨飲泉慨賢
勝之多弊嗟至德而無紀蘭溪儻不見松穀城何以
知石於時開府中兵參軍梁恭之盛工篆隸騎兵參
軍申嗣邕微學摛藻並應命旨俱營頌筆以大齊武
平元季正月廿二日摧輿雕瑩表建庭宇棟刻蒼文
檐栽翠柏庶令千葉之下彌振金聲九原之中恒浮
玉樹其詞曰

天經地義啟聖通神重華曾閔萊子樂春時多美迹

續苑十三

十

世有芳塵前漢逸士河內貞人分財雙季獨養壹親
客舍凶弭兒埋福臻穹隆感異旁薄貽珍懸車遽落
夜臺弗晨千齡俄古萬祀猶新朱驂紫蓋撫俗調民
高山達節景慕縈頓式憑不朽永播衣巾

華嶽頌

并序

萬紐千瑾

周萬紐千瑾

易不云乎天險不可阱地險山川丘陵險之時義大
矣哉惟華山者然書爾雅謂之西嶽周官則爲豫州
之鎮下枕周秦之郊上應東井之宿俯臨汾射咫尺
荆梁盤紆截辟刻峭崢嶸干雲漢而孤秀屬江河而
峻峙巨靈䟽豁亢高掌於巖端削成壁立流黃河於
峴曲左分底柱見朝夕之揚波右綴終南眺連山之

無極顯仁藏用蘊智含靈鼓以雲雷潤以風雨信羣
帝之所休憇衆神之所旂響芝駕自此不歸霓裳於
焉屢拂豈止績羽爲衣葺荷成蓋化同毛女客類園
公每挹僊人之漿肯停酒母之騎坐石白而穿陷乘
白鹿以遊嬉寥宋忽恍往而不反者也至如芳年華
月零斂雲開谷包得一河經千里簷翠嶸於紫微挺
高峯於天漢蹇駐羲和之驚能挂恒娥之驂積醴成
池泓澄巒岫聚卉爲髮萑葦生焉庭鱸夜苾必歸伯
起之學苦霧晨興非馱公超之市若乃柴類方明之
壇望仙集靈之觀休牛散馬之地反辟祖龍之辭有
祈必感無請不遂保乂我金方裁成我三海振素祇

續苑十三

十一

以統億兆肅秋節以衛蒼生國荷其慶民賴其福前
代曾創祠宇兼植柏樹歷年茲多榱棟崩禡樹亦往
往殘缺太祖文皇帝固天攸縱誕膺符命道邁三分
功超九合將欲寧一區寓納之仁壽而餘零尚梗燕
趙未并治戎河上志圖廓掃每以講閱之暇親履陰
晉眷言舊所良用依然以大統六年歲在旃蒙乃謁
諸天子命車騎大將軍儀同三司西兗州大中正華
山郡守城陽縣開國公恒農楊子昕經始締構別更
列植青松二千餘根堂廟顯敞房廊肅穆芬哉薜席
赫矣神居桂酒徐斟清哥緩節無復霑濡之事豈有
顛沛之容暨水德告終蒼精肇運獄訟知歸人神胥

悅皇帝負宸君臨宸居馭朽執玉帛以朝萬國叩金繩而享百靈叡智之所牢籠英威之所彈壓日月之所昭晉舟車之所被通莫不乘毳駕風梯山航海重譯屈膝請吏勤王太師大冢宰晉國公任屬阿衡親惟旦奭弼諧六樂緝熙五禮廢典聿修羣望咸拱光贊皇猷式康帝載俾七百之祚長扇於無疆維天和二年歲次大淵獻月旅沽洗爰詔史臣爲之頌曰

續苑十三

主

隈積冬霰峯留夏日雷霆以之風雲自出殷憂啓聖多難開基大人利見或躍俟峕袞冕赤舄三牡龍旂鼓腹行樂擊壤而熙神教以道民化惟德沈漸以剛高明柔克文軌叶同皇猷允塞如山之壽寧我郡國大周天和二年歲在丁亥十月戊辰朔十日丁丑立使持節驃騎大將軍開府儀同三司大都督司宗治內史臨淄縣開國公万紐于瑾造此文車騎大將軍儀同三司縣伯大夫趙興郡守白石縣開國男南陽趙文淵字德本奉勅書

大唐紀功頌

并序

唐高

宗

若夫元功攸宰丕業光於帝先神用斯冲峻道輝於

象外。至於炯誠千祀，昭訓百王。則有彫金揚不朽之基，鑲玉啓無疆之迹。而阪泉師律，旌德之範未章。疇野兵鈴，銘微之典猶昧。乘巢革夏，慝先覺於丹碑。濟鮪戡殷，媿生知於翠碣。惟睿之失其大者，歟。自否運辭炎，墊寓之穴梗極。餘靈泣素稽，霄之浸滔。天風夏癸，以昏初則忠良，既逐政殷辛之虐。往則邦國斯悴，穀罪黃而霧地下。黷方祇繩，亂赤而兩天上。塏圓象人怨神怒，語亡之兆遽彰。衆叛親離，規存之謀遂爽。月弓宵而空桂，則蝕屢金波。星箭夕而奔榆，則妖飛玉弩。塵埋五岳，見陵谷之遷移。水竭百川，覩江湖之騰沸。鼎已問於輕重，裂周綱者七雄。德遂寢於休明。

續苑十三

三

絕秦綱者幾國，天工是代。紫庭無享，規之賓神道克恭。冕乏郊禋之辟，故以鄒瀛眇眇同結。向隅之悲，亥跡茫茫共軫。推溝之怨，妖精紊象。寶庫延灾，萃綠林者煙霏。屯黑山者霧合，戰龍于野則亂起。干戈飛鴻在陸，則害生戎馬。先文皇帝憫黎元之已燎，救焚洪燄之爐。悼品物之將淪，拯溺橫流之溢。握寶符於代北，肇建丹旗。剖神珠於漢東，方撝白羽。運五材而杖順陰陽，未測懸兩耀而龔行。幽明叶契，而武關先入。楚猴之暴未誅，漸臺雖覆。蜀鼃之聲猶振，王充盜移。鳳宸註誤，伊瀕寶德。假署龍官，虔劉趙魏。同惡相濟，共爲脣齒。先帝威加有截，思入無方。窮幽測神，研

幾作聖薛公三策明出下科陳相六奇懸符上畧親
御姬鉞問罪晉京墨守屢殲般攻益贍鑿脩芒之壤
舉覆匱而成山引曲洛之波沃濫觴而爲沼飛衝業
業降臨負戶之危長隧悠悠上窺析骸之急奔鯨之
穴染鏹非遙封豨之林倒戈斯在建德駟白波之衆
濟馬頰之津據青犢之資踐牛口之谷吞沙石而賈
勇召風雨而成梟圖解鄴城之圍規降上黨之守蜂
飛萬旅獨起千羣竭汜水之洪流禡岨山之崇堵羽
書狎至駟遽交馳夕照趙烽晨驚魯柝於時謀臣鉗
口息其請箸之談猛將含牙弭其穿札之氣或請退
師函谷以避前鋒或請反旆崤陵以圖後舉先帝乃

續苑十三

古

謂諸將曰本欲先定渾東次平河朔今旣逮投天綱
自取膏原建德若擒王充必敗虢亡虞滅理有固然
韓并魏從義無或爽天實贊我不可失乎兵道尚奇
屬斯舉也牽裾之議踐幕庭而局影斷袂之規望轅
門而累息獨決神衷摠排輿誦留偏裨之將分拒王
城引趨武之師移和制邑榮波遠派遙䟽官度之濱
廣武斜臨迴據成皋之險嚴闌槩日巨防潛雲寰中
逐鹿之郊寓內瞻烏之地興亡之道楚漢之迹猶存
得喪之途曹袁之基未泯以代藩之貴均士伍之勞
處唐侯之尊等更倍之膳越醪霑惠赴白刃以求仁
楚續銜恩捐蒼蔚而取義廼率數百騎入其境五十

餘里觀其部列摩壘而旋於是醜類相奔凶渠競進
短兵交戰長圍亟合望柘弧而盡殪類棊布於中原
應蕭斧而咸摧若星羅於平隰僅而獲反百無一焉
若夫趙主入秦昭之關事從權免晉后察王敦之壘
道以詐全業蹈往辰功優昔載自是鋒芒遂劔鉦鼓
載衰奪林父之心破姜維之膽退歸漳滏恐天討之
乘奔逸越轆轤懼王師之兼弱深溝板渚劍轡車關
數十罪而不驚示三馭而未款乃休牛洛汭暫息桃
林之墟牧馬河陽聊駕襄城之野樵蘇已遠虛月壘
以招兵雉堞不脩偃日羽而延寇建德深然楚閒不
疑秦諫空峭辟以徑前沉輕舟而直進先帝勒兵背

水列騎依山光流闕鞞之甲聲振武安之瓦神規嶽
鎮未許代御之辭聖畧川凝無受致師之請欲戰不
可求反無路肇自霞初迄于景晏湯風爛石溽暑流
金贏糧不從壺漿莫繼思仇餉于葛野想蠲渴于梅
林齊侯絕華泉之遊楚將無穀陽之飲窮魚失水望
清漢而摧鱗喝鳥傾巢仰曾天而折翮先帝別命旌
麾以乘其背親當矢石以擊其心表裏夾攻遠迩同
至始則開行跡鴈分彼陣以弱其鋒終乃合勢形虵
離敵衆而孤其力冀馬追風彩桃花而翼路燕犀奪
日輝若枝而鏡野掄金憤閣隴之氣凌險若夷浴鐵
收熊羆之心陷堅如朽應龍畫角百川爲之震蕩靈

鼙制鼓九鎮所以傾頽投石蒙輪霜映彫戈之末剗
關拔距電流文劍之端舉長箠以布新卷崩雲以祛
稜攻虛匪實塵靡藉於曳柴擊衆以寡火無勞於結
燧俘虜十餘萬斬首三千級生擒建德徇于城下覲
顏流汗曾無解楊之言懷德畏威翻有蒯通之說然
後操袂天闕伏鎖旗亭齊燃董卓之膏頭飲智瑤之
器王充牽羊請服刑馬求盟開定鼎之郊獻測圭之
邑義貞白水信縉丹書赦其縲纒之辜宥其挺堦之
命情安共主忘鯁氣於田橫怨切周天忍凶終於魏
豹於時沴卷東浸鏡萬里而河清妖歛西氛陣千重
而雲散昔高宗鬼方致伐遠克三年周武牧野陳師

尚勞再駕未有曾吞宇宙掌握乾坤正西北之傾天
軸東南之毀地英謀一振功成晷漏之間勅敵雙擒
業茂須臾之頃故能基大寶於王業錫祉元珪掃元
凶於天步臻祥綠錯國八紘而績禹功邁敘倫家六
合而心勛德超則大犧皇語聖既桀往而堯今農帝
方神遂昏前而旦卽竒謀冲祕非假書於黃石雄斷
縱橫詎窺符於元女近以五載巡初省方伊洛九冬
狩晚講戎許鄭舉鸞旗而遐指飛翠蓋以長駟垣壘
肅而未遷山川儼而無改徘徊丹浦事乖聞禮之辰
顧步青丘情異撫軍之日波瞻舊渚水變沉沙之奇
珠望前墉城餘拔幟之所是以滄哀霜露攀日月而

不追茹痛風枝懷天地而莫報金墀在御方九仞以
悲深玉案升珍擬萬鍾而怨切麟圖遺範義百楹書
鳳篆留規道千裘治虔守天位憂輟峻於洪基肅奉
帝猷誠虧光於寶祚屬辭抽思實無覲於揚名相質
披文庶有裨於紀德乃爲頌曰

乾綱肇絕神鼎初飛妖凌三季丘踰九圍元功孰慕
神器無歸瞻烏逐變卽鹿乘機穆穆聖祖桓桓神武
電擊河汾雲飛京宇克清龍戰載安鼇柱禮叶禋宗
樂諧率舞漳濱猗起洛汭鴟張荐驚權柝亟犯封疆
裂冠稱帝犯蹕圖王豈知吳滅未辯虞亡睿后生知
謀絕羣彥雲韜西伐霜戈東戰元惡懸首凶渠革面

續苑十三

七

一網而擒義多昔卞冰銷日域霧斂星區龍庭受吏
鳳穴來蘇虔奉天祿恭膺帝圖陶甄太素亭育尊盧
啓光夏政誦恢周道濫以菲躬聿承大寶宅侔宇宙
業均犧昊豈惟文明實資衡保載省王風順駟月駟
津由漂鹵途經絕轡思動則天慕纏因地敬愛攸屬
明發奚泊寒移暑謝律變星迴陣雲先滅月壘猶開
毀垣殘柳寒井荒苔水侵發石燧掩飛灰泗水詞斑
濟陽紀蔡式傳經畧敢竭虛昧坤紐方輿乾張圓蓋
騰實萬古飛英百代
顯慶四年歲次己未八月
乙巳朔十五日己未建

盧公清德頌

唐劉穆之

大唐洛州滎陽縣頭陀逸僧識法師上頌聖主中興
得賢令盧公清德之文 并序

粵允矣於昭聖唐天子中興拓跡開統廼建皇極握
乾符驅駕百靈摠齊萬類貴與天乎比壽富與地乎
侔資日月迴薄以淑清告象陰陽變通以樂和乘氣
龍不隱德鳳不潛靈懷生之徒根著之物咸遂其性
固能使河海靜默宇宙文明舊物惟新昌圖啓旦大
定禮樂戢藏干戈人薄而還淳刑措而不用覆燾之
恩溥生育之理足於是邑老田父擊壤而歌張掖而
儼顧而爲頌曰康哉堂哉廼聖廼神代有非常之主
必有非常之臣非常者所謂竒尤桀出與時偕運則

續苑十三

大

我賢令盧公其人焉古曰聖主得賢臣今見之矣百
里令長親人之要者也煩劇所鍾賢良是責故有四
科堂室孔甫稱乎冉求三國股肱趙武知乎邢伯應
星雷而鎮風雨類父母而若神明鄭產之開喻獲禽
魯恭之垂仁及獸循聲流於簡牘良政在於歌謠斯
焉取斯之子之遠若乃張英風於上國宣懿範於中
都允升大猷卑 厥有成績休光終不圜盛德莫與京
觀其化焉則盧公之心可知矣公名正道字真直范
陽人昔元年景辰上帝甄其九萬正月甲子太公課
其八百漢祖以同日相愛利建藩維魏祖以餘風可
嘉聿推楨榦或清虛而循禮典早識張華或文思而

發詩書深知越石曾祖昌衡隨金州刺史儀同三司
太子左庶子風神澹雅經史該博宣六察而馳熊軾
翊五善而列鳳條德爲人表行脫士則金石萃編云
祖寶素隨晉州別駕有禮有法于綱于紀得管輅之
清談發王祥之雅詠孝安壽皇朝朝散大夫襄州司
馬繇州長史蘭芬桂口月鑒霜明珠皋則洗噴擅竒
玉壘則題輿緝化公五行秀氣五色淳光忠肅恭懿
以立身孝敬溫良以行已涵珠孕璧懸闕澤之高名
舞柏吟松動嵇康之逸韻文史足用方朔之言有徵
器宇難量叔則之才可覲解褐調爲冀州信都縣主
簿轉絳州太平縣丞長河之間彼汾之曲朱鉤理劇

續苑十三

九

黃綬安甲鴻漸于磐鸞遷于木勅授陝州司士參軍
又改汴州浚儀縣令佐檐帷於陝服式允清嚴縮銅
墨於梁城克敷恩信我皇紹膺丕業嗣守珍期明一
之徽号聿崇凡百之榮階式敘神龍元年制加朝散
大夫隨班例也居無何制爲洛州新安縣令又改滎
陽縣令爾其索亭舊邑滎澤奧區郊連北制地接東
里上纏鶉火秀控龍泉神州則帶河沂洛洪漕則通
江達海五方雲湊公驟私奔百族星稠邀時射利盤
根錯節允屬於升卿先教後刑必推於季子公下鼻
寫用牛刀承天理人以居其職遵五屏四以制其範
開道途焉設堤防焉陳之以禮樂導之以德義宣柔

嘉恤孤寡去末返本利用厚生至爲濟濟庠塾莘莘
冠履王渙之勸率佐吏范甯之惠養生徒人識廉讓
之儀家行俎豆之禮其崇學有如此者龍鱗促務馬
骨攘災就穡占於五星納稼詳於十月子竒之鑄器
童恢之易牛其勸農有如此者持寬濟猛以禮代刑
兩造盡其根源五聽窮其詞色穿窬自息請託不行
歸遇臘之囚原復讎之罪桴鼓罕施於道路桎梏無
用於狴牢其政令有如此者貞年巡戶定賦徵徭情
爲字必探高卑咸若心同懸鏡自辯妍蚩手類持衡
不差輕重其平直有如此者果行育德脩己正身徐
邈之有常石奮之無潤冰壺載潔塵甑自空其清白

續苑十三

三

有如此者入其境則田疇盡墾草萊盡闢此恭敬以
信故其人盡力也入其邑則墻屋甚完樹木甚茂此
忠信以寬故其人不偷也至其庭府吏甚清閑諸下
用命此明察以斷故其政不擾也可謂季路爲宰復
在于斯任人以逸從善如流耳目平而心氣和四支
全而百工理父事三人以教孝兄事五人以教悌可
謂子賤爲宰復在于斯固以得良吏之要津行古人
之至道頃者年穀不登時雨未降聖皇減太官之膳
出幽圜之囚是歌雲漢之詩式備山川之禱恐一物
之失所慮百姓之阻飢徒有之無遂起泛舟之役賑
貧救乏爰行發廩之施公上祇元澤下罄丹誠家到

戶至哀多益寡優之柔之撫之育之里詠途歌人安
俗泰雖雲行載沐旋符以夜之期而風教特隆實荷
如春之德導揚庶美字育羣屯惠化所以周洽風流
所以藉甚豈直王譚在職時叟号其無雙張旣臨官
京輔稱其第一而已河南道巡察使衛州司馬路敬
潛以政術尤異奏聞使乎使乎得其人矣是知韓稜
之飛章已奏徵入有期焦貢之行雨載馳願留難遂
丞馬據主簿解伯宗尉高賁司馬貽道等並干將重
寶新甫貞柯道可濟時位不充量溟海卽鯤鵬所化
枳棘非鸞鳳所栖翊贊多方聲華有裕望逸驥而將
遠撫留犢以增傷孤我德而無鄰勞我思而無極爰

續苑十三

五

有等慈寺頭陀逸僧識法師俗姓桑氏漢丞相之後
秀也天稟聰偉生而俊奇發願爲國敬造阿彌陀石
碑像并頌聖德及鑄神鍾鄉人前巴州曾縣尉劉
虔獎錄事王虔福常守一佐史里正等或簪纓著族
夙勞州郡之班或仁義在躬暫屈鄉閭之任耕田鑿
井遭聖主之休明孝道忠規受君子之名教以爲叫
丹闈而一借未達由衷樹翠碣而長懸方存相質惠
我無疆之澤徽烈允光思君不樂之情德音何已殷
溝作頌文在茲乎其詞曰

上地山河中天朝市玉帛萬國子男百里惟索之亭
惟京之水撫撫原隰森森杞梓其一粵茲撫字須彼仁

賢俗之化者君之宰焉操我利器亨我小鮮歌聞下
邑舞洽重泉其二其政不嚴其儀不忒秩秩詩禮光光
道德爰務耕桑罕施徽纆無偏無黨有典有則其三琴
鳴密賤花發潘仁俸惟計日甌乃上塵視人如子臨
事如神秋鷹坐化瑞雉行馴其四自冬徂春密雲不雨
曲降絲絳載傾赦庾沐蘭奠桂救貧濟窶旋感月離
方期歲取其五祝良何德汲黯何功遠望千載寧逾一
口既流膏雨克播循風聲聞于外化協于中其六鳳使
載揚驥途攸展芳菊無絕甘棠勿剪式紀清芬爰憑
翠篆歌詠不足聊稱其善其七神龍三年歲次丁
未五月戊戌朔八日己巳建前中書舍人內供奉劉

穆之纂琅琊王守質書

續苑十三

三

唐龔丘縣令庾公德政頌

并序

唐李陽冰

荀藐古之良宰也榆次碣之庾公今之賢百里也龔
丘頌之姑無其能孰謬其紀議者謂庾公之政尤矣
公初告羣吏曰昔孝宣憂元元以爲經國致理先乎
令長廼擇郎官御史出宰縣邑我自任城尉驟居五
百石非才何以當之誓務整飭疲人祇若明命廼密
禮讓省刑罰紓力役闢土田宣慈務寬訓儉示德潤
作時雨味爲春風於是齊魯丕變井閭咸復三載考
績一方歸最都督兼侍御史清河張公曰昌牧伯之
賢也訓俗馭官勸直沮枉述職之地類能稱之曰方

諸爽氣日暮更清比之松筠歲寒轉茂題以上下之
曰出乎羣萃之表百城千里異聲同歡曰以伯達之
良牧賞次孫之茂宰宜矣公名賁字文明其先潁川
人成周之時世爲掌庾因以命族公其胄焉公之考
曰欽嗣爲兗州別駕王父曰元汪爲尋陽令曾王父
曰師則爲蜀王文學楷模繼代龜麟接武大憲中邑
老彭酒等三十五人以公改柔之大咸顯顯字刻石褒
美申於元戎元戎允荅縣人以陽冰與公周旋備詳
德行俾之作頌多媿能文辭曰顯字
於穆庾公宰字之良化洽百里風摛顯字一方邑老上
請顯言頌德元戎嘉之金石廼刻

續苑十三

三

大憲五年九

月三日建

妒神頌并序

唐李謹

粵若稽古徵諸陳迹雖年移代謝而損益昭然是以
宋玉高唐之辭盛傳於南國曹王洛神之賦永播於
東周莫不事載圖書名標史策河東之美者有妒水
之祠焉其神周代之女介推之妹初文公出國介推
從行有割股之恩無寸祿之惠誓將畢命肯顧微軀
儀形飄殞於口煙名跡庶幾於不朽後縱深悔前路
難追因爲滅焰之辰更號清明之節妹以兄涉要主
身非令終遂於冬至之後日積一薪烈火焚之爲其
易俗諺云百日斫柴一日燒此之謂也闔境之內疇

敢不恭順之則風雨應期違之則雷雹傷物兄則運
心以求合我則處室以全真兄則禁火以示誠我則
焚柴以見志惟兄及妹與世殊倫傳曰介之推終不
言祿祿亦不及渾天記曰著寒食者爲助陽氣用厭
火星所說不同平有得失其來遠矣安可闕如縱因
事之宜亦自我作古祭法曰其有廢之莫敢舉也其
有舉之莫敢廢也東北至土門之口西南距盤石之
山方圓百里別成一境天寶中以賊臣背化國步猶
艱塗炭生靈焚燒甲第伊我遺廟巋然猶存簪裾近
叶於當時庭宇更新於往日性惟孤直虛見授於姤
名行本堅貞實堪垂於公範今幸邊塵不動海水無

續苑十三

五

波叢尔小戎曷足爲患昔虞舜至聖尚有苗人之誅
殷湯至明豈無葛伯之伐蓋以君爲元首臣作股肱
飄飄轅門藩屏王室乃命河東節度副大使兼工部
尚書太原尹北京留守薩公諱兼訓登此禁闈公掌
握衡鏡心韞韜鈴勢若轉規謀如泉湧運籌帷幄孫
吳詎可比其能料敵戎旃衛霍不足方其妙浙江遺
愛但美還珠汾浦來蘇惟欣去獸申命我承天軍使
節度副使前永平軍節度右廂兵馬使銀青光祿大
夫試鴻臚卿同山南東道節度經畧副使上柱國党
公諱昇鎮茲巨防公天子忠臣元戎外壻志惟清而
惟謹行不諂而不驕往任滑臺職居惣統近歸本道

位處專城投醪之義遠聞挾纊之情久著爰自至上
星管再周路不拾遺人皆樂業長筵繼日士其勞
細柳垂陰衆歌其美水碾成而永逸聚米難儔軍井
達而嘗閑伏波不竭君依神以傲福神依君以庇躬
事勢相因理亦條貫固宜書其已往播於將來貞石
旣磨斯文可作尔其泉湧祠下蓄爲碧潭飛入大河
噴成瀑布湍澗泉潏雜雷霆之聲盪雲沃日類風水
之會經沃寒而氣蒸萬家處炎燠而清潤一川灌木
扶疎引柔條而接影纖苗霍靡夾寫岸而隨風自古
及今非軍則縣未嘗不揆月撰日備其享禮春祈秋
賽庶乎年登巫覡進而神之聽之官寮拜而或俯或

續苑十三

五

仰旣而坎坎伐鼓五音於是克諧峩峩側弁三軍以
之相悅公之德也如此神之應也如彼且河北數州
山西一道或衣以錦繡或奠以珍羞無晝夜而息焉
豈翰墨之能諭咸以商者求之而獲利仕者禱之而
累遷蠶者請之而廣收農者祈之而多稔不然則奚
能遐邇奔湊奉其如在蓋聞有而不言謂之隱無而
言之謂之諛又聞誇曰者尚奢愜心者貴當承命述
事敢不勉旃僅因退食之餘竊比陳其梗槩也銘曰
凡有異行宗之曰神匪害於物實利於人兕則禁火
妹乃積薪共爲佳節在乎芳春今古千齡方圓百里
德音無數蒸嘗不已祭具珍羞服先錦綺所求必應

高山仰止將軍塞下細柳營邊晴開朝鏡霧雜鑪煙
神理昭昭靈草芊芊紀諸令範光我承天井陘西南
太原東北妬祠之水澹爲黛色跳波噴浪如有可則
古往今來源流不忒興雲致雨俾造化力顯顯昂昂
粵君之德或祈或禱永無休息神之歆之福善寧億
大唐大曆十一年歲次丙辰五月丁亥朔十六
日壬寅巳時建判官游擊將軍守左清道率府率賜
紫金魚袋上柱國李誼撰

上皇帝繡像頌

并序

唐釋法琳

緬以八樹韜光兩河晦迹匿王懸仰鑄臙而寫全身
迎帝翹誠鎔金而圖真相乃泊乎青晴南度白馬東

續苑十三

三

翻像教鬱興靈儀遍跼於是儼神姿以登松井屈聖
體而施明珠光烈張橋色流漚瀆示佩日於漢后感
揮毫於晉君或顧步而躡萬山乍徘徊而遊夢渚禎
祥嘉瑞兆自由來未有刺縷圖真援空範狀我大唐
皇帝曩植四^宏夙資五德神功邁於軒昊至治美於
成康仁動上^元力侔大造慶雲垂彩金鏡含七曜之
暉瑞鳥呈祥玉燭和四時之氣累髮文身之長俱請
命於王庭穿胃瞻耳之酋共獻睽於魏闕加以留心
八正篤意五乘廣運檀那聿修淨業永言善逝冥漠
何追爰勅上宮式摹遺景奉造釋迦繡像一幀并菩
薩聖僧金剛師子備摛仙藻殫諸神變六文雜沓五

色相宣寫滿月於雙針託修楊於素手妍踰蜀錦麗
越燕緹紛綸含七曜之光布濩列九華之綵日輪吐
焰藹園客之絲蓮日凝輝發秦姬之縷楊侯百里之
珠慚斯百福子羽千金之璧愧彼千輪華蓋陸離看
疑涌出雲衣摇曳望似飛來何但極思迴腸抑亦巧
窮⑤妙以今歲在庚寅案貞觀四年也月居太簇三元啓候
之節四始交泰之辰乃降綸言於勝光伽藍設齋慶
像四十九僧三七行道大秦紅粟備香積之餐周穆
金膏陳梵王之供四等福田生生具足六因善報世
世莊嚴劫石碎而寶⑥長存芥城空而皇基永固不
勝慶悅輒迺頌云

續苑十三

三

於鑠上帝天策我君乃神乃聖允武允文就之如日
望之如雲禎符輝煥美氣氛氲光宅天下攸序彝倫
體道迴向式建福田針裁赤果縷制青蓮文含綺爛
彩奪霞然花疑迴發蓋似空懸方諸涌地邁彼騰天
歲在提格時旅青陽奉遵徽命爰崇道場千科星聚
八座霞張風迴雅梵殿鬱名香鴻基盛業永永無疆
贊

硯贊

魏繁

欽

或薄或厚乃圓乃方方如地象圓象天常藝文類聚五十八無
此四班采散色漚染毫芒點黛文字曜明典章施而
不德吐惠無疆浸漬甘液吸受流光藝文類聚聚染作
潤浸作漸光作

芳宋長文墨池
編以爲銘誤

巢父惠施贊

晉左九嬪

泱泱長流沔沔清波思文巢惠載詠載歌垂綸一壑
萬象匪多神乎暢矣緬同基阿

虞舜二妃贊

晉左九嬪

妙矣二妃體靈應符奉嬪於媯光有此虞沅湘示教
靈德永敷

周宣王姜后贊

晉左九嬪

昭昭宣王克復前制亶亶姜后乃激乃厲執心至公
以恢明世

孟軻母贊

晉左九嬪

續苑十三

天

鄒母善導三徒成教鄰止庠序俎豆是効斷織激子
廣以墳奧聰達知禮敦述聖道

狂接輿妻贊

晉左九嬪

接輿高潔懷道行謠妻亦冰清同味元昭遺俗榮津
志遠神遼

荆武王夫人鄧曼贊

晉左九嬪

天道惡盈極數則微邈哉鄧曼心映禍幾覩兆歎亡
考德知衰賢智卓殊邈哉難追

齊杞梁妻贊

晉左九嬪

遭命不改逢時險屯夫卒莒場郊弔不賓哀崩高城
訴情穹曼遂赴淄川託軀清津

齊義繼母贊

晉左九嬪

聖教元化禮貴信誠至哉繼母行合典經不遺宿諾義割私情表德來裔垂則後生

魯敬姜贊

晉左九嬪

邈矣敬姜含德之英於行則高於理斯明垂訓子宗厲發奇聲宣尼之歎萬代遺馨

班婕妤贊

晉左九嬪

恂恂班女恭讓謙虛辭輦進賢辯祝理誣形圖丹青名侔樊虞

虞舜像贊

并序

晉庾闡

夫至道元妙非器象所載靈化潛融非軌迹所傳故續苑十三

无

道資沖樸則謂之三皇德被羣生則號稱舜禹是以先王因其會通制為準極功極於天則配乎上帝法施於民則載在祀典然後名教彰於致治王道煥乎無窮故茲堂之構也有自來矣然樹寢所以棲神而寢非神之所期立像所以表德而像非德之所存若乃廢其軌景洞其元真雖冥照之鑑獨朗天下惡乎注其耳目哉遂乃顯圖靈像廓其廟壇俾天光焜於宇宙南風散乎五弦豈謂神道之妙可寄之於有涯哉蓋亦暢悠悠之心者也其辭曰

元像焜燿萬物之靈飛龍在天陽德文明神道雖寂務由機生擁琴高詠寄和五聲元風既暢妙盡無名

民鑒其朗孰測窈冥

二妃象贊

晉庾闡

二妃元達含靈體妙協德坤元配虞齊燿明兩既麗重光作照有邈其神微風遐劭

孫登贊

晉庾闡

靈巖霞蔚石室鱗構青松標空蘭泉吐漏龍蒼可遊芳津可漱元谷蕭寥鳴琴獨奏先生體之寂坐幽岸凝冰結樸熙陽摩煥潛真內全飛榮外散凌崖高嘯希風朗彈道有冥廢運有昏消達隱不巖元跡不標或曰先生晦德逍遙嵇子秀達英風朗烈道備薰芳鮮不玉折兆動初萌妙鑒竒絕翹首丘冥仰想元哲

續苑十三

三

黃帝贊

晉曹毗

軒轅應元期幼能揔百神體統五靈妙氣含雲霧津摻石曾城岫鑄鼎荆湖濱豁焉天扉闢飄然跨騰鱗儀轡灑長風褰衣躡紫宸

翟徵君贊

并序

晉庾亮

夫所謂至人者體包傑量神凝域表該落萬動元心獨融故能蚪躡慶霄而不繼綦龍之轡鳳鳴瑶林而不屈伶倫之籠豈必欣太清而樂瓊藹哉顧蹄涔不足以濯神鬚翳蒼不足以翔雲翮是故藐姑有綽約之廬箕阜有高嘯之宇唐勳喪於元庭夏功忘於虛室晉徵士南陽翟君案翟湯也在晉書隱逸傳稟逸韻於天陶含

沖氣於特秀，體虛任而委順，恢昭曠而高蹈。先生載營抱一，泊然獨處，神棲颺藹之表，形逸巖澤之隅。雖束帛仍降，軺冕屢招，而弓旌屈於匪石，帝命慙於虛復矣。是以高風振宇宙，遠詠冠當時。方將表大庭於絕代，恢元解以釋紛，仰朝霞而晞翼，陵扶搖以獨翔。景命不延，卒於尋陽之南山。哲人其萎，高軌孰倣。余欽若人之風，常問道於無何之廬，竇想元珠主以瞻授。沐道霑淳，固以實而歸矣。自昔之違於茲，七稔何悟。先生忽焉升遐，感至德之長泯，悼仁風之永翳，標爾其傷，潛然增欷。乃授翰詠跡，以宣來葉。其辭曰：卓哉先生，逸韻遐超。蚪盤玉津，鳳戢瓊條。滌耳夏鼎，

續苑十三

三

高揖唐朝，洪崖逸矣。元跡載劭，淳風沐世。飛芳九霄，

伏犧讚

晉

王彪之

悠悠皇犧，體寂神澄。无爲而化，世道之凝。不知有之，冥感自興。因應之跡，畫象結繩。

老子贊

晉

湛方生

教由嚴宗，化必有資。深矣若人，乃作皇師。亦參儒訓，道實希夷。恂恂孔父，是敬是祇。

水贊

晉

殷仲堪

大象無形，氣以分龕。淡淡沖津，質有雖虛。清瀾可瀨，明激弗渝。孰能懷之，汎然靡拘。

閑遊贊

并序

晉

戴逵

昔神人在上輔其天理知溟海之禽不以籠樊服養
樂散之質不以斧斤致用故能樹之於廣漠棲之於
江湖戴之以大猷覆之以^元風使夫淳朴之心靜一
之性咸得就山澤樂閑曠自此而箕嶺之下始有閑
遊之人焉降及黃綺逮於臺尚莫不有以保其太和
肆其天真者也且夫巖嶺高則雲霞之氣鮮林藪深
則蕭瑟之音清其可以藻^元瑩素庇其皓然者舍是
焉故雖援世之彥翼教之傑放舞雩以發詠聞乘桴
而懷厲况乎道乖方內體絕風塵理楫長謝歌鳳逡
巡盪八疵於^元流澄雲崖而頤神者哉然如山林之
客非徒逃人患避爭門諒所以翼順資和滌除機心

續苑十三

五

容養淳淑而自適者爾况物莫不以適爲得以足爲
至彼閑遊者奚往而不適奚待而不足故蔭映巖流
之際偃息琴書之側寄心松竹取樂魚鳥則澹泊之
願於是畢矣然竒趣難均^元契罕遇終古皆孤棲於
一巖獨玩於一流苟有情而未忘有感而無對則輟
斤寢絃之歎固已幽結於林中驟感於遐心爲日久
矣我故遂求方外之美畧舉養和之具爲雜贊八首
暢其所託始欣閑遊之遐逸終感嘉契之難會以廣
一往之詠以杼幽人之心云爾

茫茫草昧繇^元世三極未鼓天人無際萬器旣判
靈朴乃翳實有神宰忘懷司契冥外旁通潛感莫滯

嚮順巢崗兼應夷惠緬矣遐心超哉絕步願捐百王
仰怡泰素矜其天真外其囂務詳觀羣品馳神萬慮
誰能高佚悠然一悟

尚長禽慶贊

晉陶潛

尚子昔薄宦妻孥共早晚貧賤與富貴讀易悟益損
禽生善周遊周遊日已遠去矣尋名山上山豈知反

此贊陶集錄載故錄之

論語贊

晉謝道韞

衛靈問陳於孔子孔子對曰俎豆之事則嘗聞之軍
旅之事未之學也

庶則大矣比德中庸斯言之善莫不歸宗養者乖本

續苑十三

三

妙極令終嗟我懷矣興言攸同

景陽樓慶雲贊

宋孝武帝

非煙非雲曳紫流光懸華曜藻奄鬱臺堂粵子休明
震乎珍祥積慶有文靈貺無疆

孤桐贊

宋孝武帝

珍無隱德產有必甄資此孤幹獻枝楚山梢星雲界
衍葉炎塵名利貢寶器贊虞弦

吳季子札贊

宋范泰

延州高遠棄國師誠優遊大邑觀風上京仁懷邦壤
道暢聖明鑒徹昔代樂察未形羸博遠死解劍在生
夫子戾止爰詔作名明趙嘏石墨鵝華誤以此贊爲陶潛作

張長公贊

宋范泰

長公秉心獨逸世表量物難同審已彌了情雖高濠跡無抗矯靡當夷惠孰識多少

高鳳贊

宋范泰

遐哉元古邈矣皇羲自茲已降顯默參差智為世駭才為物奇跡出無泯潛躍俱馳曖曖若人孰測其為戢曜幽壑探真重崖冲情莫亮汗跡示疵輕俗無際肆志莫羈

老子讚

唐睿宗

爰有上德生而長年白髮遺象紫氣浮天函關之右經留五千道非常道元之又元

續苑十三

唐

孔子讚

唐睿宗

猗歟夫子實有聖德其道可尊其儀不忒刊詩定禮百王取則吾豈匏瓜東西南北

顏回讚

唐明皇

杏檀槐市儒述三千回也亞聖丘也稱賢四科之首百行之先秀而不實得無慟焉

蕭子雲飛白蕭字贊

并序

唐李約

梁侍中蕭子雲書祖述鍾王備該眾體始變蔡張二王飛白古法妙絕冠時雖名存傳記而迹絕簡素唯建鄴古壁餘此蕭字焉韓晉公鑿古擅書聞之嗟異遷之於南徐置於海榴堂座右之壁余後獲之載以

入洛書之故實事之本末中書舍人張公崔監察備
撰記詳焉余少好圖書耽嗜竒古雖志業不立而性
莫能遷非不干求爵祿心惜時事自與名疎非欲乖
時好尚養痾守獨所見遂僻僻則僻矣與夫酣酒聲
妓奔走權利者俱亡羊也亡則孰多余每閱翫此跡
而圖書之光如逢古人似得良友加以琴酒靜暢書
齋晝閒榮富賤貧是日何在至若尋翰墨輕濃之勢
窮點畫分布之能與日彌深隨見逾妙嗟夫昔賢垂
不朽之藝知傳寶於後世後人觀妙絕之迹見得意
於當時名齊日月情契古今傳曰游於藝藝可已乎
知者相賀比獲蘭亭之書世情觀之未若野人之塊

續苑十三

三五

不闕於世在世爲無用之物苟適余意於余則有用
已多乃作贊曰

昔創飛白蔡氏所得起於至帝播於翰墨張王繼作
子雲精極壁昏蜃素墨古池色灑飛露白乍輕乍濃
翠箔映雪羅衣從風崩雲委地遊霧縈空鱗刺勢動
繆蟠氣雄昆池駭鯨時門鬪龍攢毫疊札或橫或縱
層層陣雲森森古松君子況德高人比蹤抱素自潔
含章內融逸疑方外縱在矩中密而不雜踈而有容
藝通造化比象無窮子雲臣梁蕭字逾貴點畫均豐
姿形端異迹絕爾素名空傳記明徵褒貶惟此一字

李太白脫鞞圖贊

宋牟子才

錦袍兮烏幘神清兮氣逸凌轢兮萬象麾斥兮八極
我思古人伊李太白孰爲使之朝禁林而暮采石也
其天寶之變倖歟疏擿詞篇浸潤宮掖吾觀脫鞵之
圖未嘗不嫉小人之情狀而傷君子之疎直惟公之
高躅兮霍神龍之不可以羈紲矧富貴如敝屣兮其
得失又何所欣戚也

黃山谷返棹圖贊

宋 牟子才

幅巾兮野服貌腴兮神肅孤鶩兮風雅唾醜兮爵祿
我思古人伊黃山谷曷爲使之六年焚道而九日姑
孰也其符紹之朋黨歟組織寺記指擿實錄吾觀反
權之圖未嘗不感君子之流落而痛小人之報復惟

續苑十三

三

公之高風兮渺驚鴻之不可以信宿矧吾道猶虛舟
兮其去來又何所榮辱也先祖存齋先生立朝剛正
件閩宦董宋臣以集英殿
修撰出守姑孰作脫鞵返權二圖以寓意宋臣益怒
乃罷郡去理宗悟召入眞拜翰林學士有奏疏十卷
後以資政殿大學士致仕贈光祿大夫謚清忠公於
今八十年矣不肖孫承元行省命監督海漕敬奠祠
卽湖州路歸安縣尹兼勸農事牟應復謹識

續古文苑卷第十四

賜進士及第授通奉大夫山東通省督糧道加三級孫星衍撰

箴

邊都尉箴

漢 胡廣

巍巍上聖光被八垠矧惟內面罔不來賓季末陵遲
王澤壅隔戎狄作難鬼方騷述桓桓猛將是攘是闢
殷宗周宣用顯其績大漢龍興念存治平蕩蕩率土
來同門屏守撫其民尉典其戎五才並用文武程功

陵令箴

漢 胡廣

昔在黃葉葬野衣薪口禮極哀不樹不墳瓦棺皇周
虞夏攸稱壤不毀膚賄不害生是蹈皇極百王此經

續苑十四

故厚不可始皇薄不可王孫

案舊脫孫字今補

乃眷西顧爰

矩孝文陵臣司墓敢告守人

太醫令箴

漢 崔寔

動不肆勤靜不宴逸有疾歸天醫無能恤晉平好內
四時是一非鬼非食惑以自失雖有秦和焉所施術
太上防疾其次萌牙腠理不蠲骨髓奈何

女師箴

漢 皇甫規

觀象制教肇經乾坤家有王義室有嚴君各有定位
陰陽是分昔在軒轅陶化正刑此句有詳未詳刑於壺闈以
臨百官煌煌后妃統是閑穆穆夫人爰采潔繁師
禮莫違而神罔時怨關雎首化萬國承流實有淑女

允作好迷，唐媛與媯，文母盛周。案母舊誤德音不回。

安濟大繇，咨爾庶妃，鑾輅斯邁，戰戰兢兢，厲省罄帶。

漸進不形，變起無外，行難著而易喪，事易失而難追。

動若順流，應如發機，奉上惟敬，撫下惟慈，怨豈在明。

患生不思。

皇后箴

漢 傅 幹

煌煌四星，著天垂曜，赫赫后妃，是則是效，舜納二女。

對揚茂教，正位於內，頑嚚輟暴。案暴舊諷辛亂妲己。

共則情悅。此句有牝雞亂晨，殷祀用絕，孝成寬柔，縱

施紀綱，王擅朝權，趙專椒房，巨猾是緣，竊弄神器，故

禍不出所憎，常出所愛，是以在昔明后。案昔舊諷日

續苑十四

二

新其化匪，唯訓外，亦訓於內。

太子少傅箴

晉 傅 元

夫金木無常，方員應形，亦有隱括，習以性成，故近墨

者黑。案故下當脫聲和則響清，形正則影直，正人在

側，德義盈堂，鮑肆先入，蘭蕙不芳，傅臣司訓，敢告君

王。

女史箴

晉 裴 頌

膏不厭鮮，水不厭清，玉不厭潔，蘭不厭馨，爾形信直。

影亦不曲，爾聲信清，響亦不濁，綠衣雖多，無貴於色。

邪徑雖利，無尚於直，春華雖美，期於秋實，冰璧雖澤。

期於見日，浴者振衣，沐者彈冠，人知正服，莫知行端。

服美動目，行美動神。天道祐順，常與吉人。

幽人箴

晉庾

敬

有物混成，先天地生。乃剖乃判，二儀既分。高卑以陳，貴賤攸位。榮辱相換。案以上五句，乾道尚謙，人神同符。危由忽安，溢緣飾虛。苟識妙膏，厥美有腴。韓信耽齊，殞首鐘室。子房辭留，高迹卓逸。實不足榮，利不足希。華繁則零，樂極則悲。歸數明白，勢豈容違。人徒知所以進，而忘所以退。穰侯安寵，襄公失愛。始乘夷道，終嬰其類。羲和升而就翳，望舒滿而就虧。盈挹之分，自然之規。悠悠庶人，如何勿疑。幽人守虛，仰鑽元遠。敢草斯箴，敬咨徽冕。

續苑十四

太子侍臣箴

晉溫

嶠

勿謂其微，覆篑成高。勿謂其細，巨由纖毫。故曰：善不積，不足以成名。話言如絲，而萬里來享。元以處極，而利在永貞。案元舊誤無今改是以太子之在東宮，均士抗禮，以甲厥情，入學齊齒。言稱先生，不以賢自臧。不以貴為榮，思有虞之蒸蒸，尊周文之翼翼。晨昏靡違，夙興宴息。師傅是瞻，正人在側。屏彼佞諛，納此亮直。故傳敬德，義臣思盡。忠或稽古，訓導惟道。之不融，或造膝詭辭，懼咎之蘊。崇惴惴兢兢，思二雅之遺風。鑒乎九

逸民箴

晉江

道

至人應務是統是營乃制上下以牧羣生君位孰在
匪聖伊明賢愚相奉臣主以成如彼百節各役天形
率分委質仰應一情心膺有位股肱有經豈以處下
爲戚爲榮案爲榮上當脫二字各安其所舉體用乎夫設爵列
土懸弓垂旌卑尊之級賁賤之名匪以恣物之欲實
大猷而是經處遁之士奚眷於時行矣先覺捐俗長
辭明乎憂患故超爾不疑解髮靈崖被褐絃絲飄飄
臺上輕舉高之穆穆二仲攜策相期盤幽隱寂與物
無治凡厥後來順乃所往鑒茲俗累戒於顛蕩無殉
外物心煩技養無弃恬曠憂勤是掌林人司箴敢進
善黨

續苑十四

冠子箴

四
蕭子範

是月惟令敬擇良辰式遵士典諮筮於賓嘉字爰錫
醪酒方陳禮莊爾質德成爾身永變童心長移悼齒
朱錦辭髮青紉在履丹石爲操冰泉厲已務簡朋匹
田蘇遊止在我尚謙推物盡美面諂退言弗納於耳
直弦矢辭斯爲良士

銘

王史威長銘

漢西都時南宮寢殿內有醇儒王史威長死葬銘曰
明明哲士知存知亡崇隴原壘非當非康不封不樹
作靈乘光厥銘何依王史威長

扇銘

翩翩素圓清風載揚君子玉體賴以[○]康冬則龍潛夏則鳳舉知進能退隨時出處

漢傅毅

戟銘

枝戟之設案枝舊誤以戒非常秉執操持邪暴是防須臾之忿案忿舊誤終身為殃山陵之禍起於毫芒

漢李尤

張溥輯李尤集獨缺此銘故錄之

岨涘銘

漢張休

太山雖高無得而擬劍道雖險孰可為比吁嗟此山高且險只上眡彼蒼相去能幾宜乎昆侖日月所蔽行人過茲鮮不歔涕深念於斯刊銘岨涘

續苑十四

五

漢延熹二年三月初

張休

劍銘

漢士孫瑞

臣有劍一枚駿羣標首藍田玉乞以備乏信給用左右也見北堂書鈔一百二十

天生五才金德惟剛從革作辛含景吐商辨物利用

勳伐彌彰暨彼良工歐冶干將爰造寶劍巨闕墨陽

上通皓靈太平御覽三百四十四引上作精獲茲休祥剖山竭川虹

蜺消亡昭威耀武震動遐荒楚以定霸越以取強

漢鏡銘

絜精白而事君怨陰驩同之弇明煥[○]錫之流澤志疏遠而日忘慎窳美之窮嗤外丞驩之可欲說慕安

於重泉願永思而毋紀內請碩以昭明光輝桌夫日月心忽揚而願忠然壅塞而不池右鏡銘內外層合七十一字錢氏括釋請碩爲清妍借碩爲之或然釋壅爲

又

日有憲月有富樂無事常得意美人會竽瑟侍面商字市程萬物平老復丁復生盛

又

久不見侍前希秋風起予志悲

又

湛若止水皎如秋日清暉內融菱花外發洞照心膽屏除嫉孽永世作珍服之無沫

續苑十四

六

又

尚方御竟大母傷巧工刻之成文章左龍右虎辟不祥朱鳥元武順陰陽子孫備具居中央涑治銀錫清而明長保二親樂富昌壽敞金石如侯王

又

許氏作竟自有紀青龍白虎居左右聖人周公魯孔子作更高遷車生耳郡舉孝廉州博士少不努力老乃悔吉

又

天地成日月明五嶽靈四瀆清十二精八卦貞富貴盈子孫盛皆賢英福祿并

座右銘

魏 卞 蘭

重階連棟必濁汝真金寶滿室將亂汝神厚味來殃
艷色危身求高反墜務厚更貧閉情塞欲老氏所珍
周廟之銘仲尼是遵審慎汝口戒無失人從容順時
和光同塵無謂冥漠人不汝聞無謂幽宥處獨若羣
不為福先不與禍鄰守元執素無亂大倫常若臨深
終始為純

斫猛獸刀銘

魏 何 晏

徒搏不兵作戒宣丘用造斯器螭獸是劉制禽允良
昏明亶時永釐厥後蠲民之災太平御覽三百四十
六此下有注云言作
斬虎刀銘曰螭虎是劉案
注謂唐人改虎字為獸耳

續苑十四

七

筆銘

魏 傅 巽

昔在上古結繩而治降及後載易以書契書契之興
興自頡皇肇建一體浸遂繁昌彌綸羣事通遠達幽
垂訓紀典匪筆靡脩實為心畫案畫舊誤
盡今改臧否斯由
厥美案大置類鮮疇德興之著唯道是揚苟逞其違
禍亦無方案隋書經籍志梁有尚書傳異集二
卷亡藝文類聚異作選誤也今改正

燭銘

晉 傅 元

煌煌丹燭焰焰飛光取則龍景擬象扶桑昭彼元夜
炳若朝陽焚形監此無隱不彰此銘張博傳
元集不載

反金人銘

晉 孫 楚

晉太廟左階之前有石人焉大張其口而書其胷曰

我古之多言人也無少言無少事少言少事則後生何迷焉我讀三墳五典八索九丘曠罔深而不探理無與而不鉤故言滿天下而無口尤夫唯言立乃可長久胡爲塊然生緘其口自拘廣庭終身父手已上太平御覽凡夫貪財烈士殉名盜跖爲濁夷柳爲清五百九十九鮑肆爲臭蘭圃爲馨莫貴澄清莫賤滓穢二者言異歸於一會堯懸諫鼓舜立謗木聽采風謡惟日不足道潤羣生化隆比屋末葉陵遲禮教彌衰承旨則順忤意則違時好細腰宮中皆飢時悅廣額下作細眉逆龍之鱗必陷斯機括囊無咎乃免誅夷顛覆厥德可爲傷悲斯可用戒無妄之時假說周廟於言爲豈

續苑十四

是以君子追而正之

已上依藝文類聚十九張博輯楚集失采御覽今補之

塵尾銘

晉王導

道無常貴所適惟理勿謂質卑御於君子拂穢清暑虚心以俟

黑塵尾銘

晉許詢

卑尊有宗貴賤無始器以通顯廢興非已偉質軟蔚岑條疏理體隨手運散飈清起通彼元詠申我先子

白塵尾銘

晉許詢

蔚蔚秀氣偉我奇姿荏蒨軟潤雲散雪霏君子運之探元理微因通無遠廢興可師

諸葛武侯宅銘

晉習鑿齒

達人有作，振此頽風，彫薄蔚采，鷓闌。初學記惟豐義
範蒼生，道格時雄，自昔爰止，於焉盤桓。初學記躬耕
西畝，永嘯東巒，迹逸中林，神凝巖端，罔窺其奧，誰測
斯歡，堂堂偉匠，婉翮陽朝，傾巖搜寶，高羅九霄，慶雲
集矣，鸞駕三招。案三字依初學記廿四

隱几銘

晉蘇彦

良匠造器，妙巧應規，俯仰灼照，商畧神奇，假物與思，
須以忘疲。隋書經籍志梁有晉北中

邛竹杖銘

晉蘇彦

安不忘危，任在所杖，秀矣雲竹，勁直條暢，節高質貞，
霜雪彌亮。北堂書鈔一百二十三圓以應物，直以居

續苑十四

九

當妙巧無功，奇不待匠，君子是扶，逍遙神王。

木弓銘

晉嵇含

烏號之朴，豐條足理，弦鳴走括，截飛駭止，射隼高墻，
出有議擬，既用禦侮，亦以招士。

團扇銘

宋孫康

有圓者扇，誕此秀儀，晞露濯色，擬日定規，朗姿玉暢，
惠氣蘭披。隋書經籍志梁有宋征

齊海陵王墓銘

齊謝朓

中樞誕聖，膺感受命於穆，二祖案高帝天臨海鏡，顯
允世宗。案文惠太子也温文著性，三善有聲，四國無競，嗣德

方衰。案鬱林王也時惟介弟，景祚云及，多難攸啓，載驟載

獵高關代邸庶辟欣欣威儀濟濟亦既負展言觀帝
則正位恭己臨朝淵嘿虔思寶締負荷非克敬順天
人高遜明德案明帝也西光已謝東旭又良龍薰夕儼葆
挽晨鏘風搖草色日照松光春秋非我晚夜何長中
書侍郎謝朓撰此文朓集不載

鼎銘

梁周捨

天下當康異方同軌九牧作貢百司咸理範金鑄器
式鎮階祀波圓月鏡傳之無已

洛橋銘

後魏常景

浩浩大川泱泱清洛道源熊耳控流巨壑納穀吐伊
貫周淹亳近達河宗遠朝海若兆惟洛食實曰土中

續苑十四

十

上映張柳下據河嵩寒暑攸叶日月載融帝世光宅
函夏同風前臨少室却負太行制巖東邑峭峒西疆
四嶮之地六達之莊恃德則固失道則亡詳觀古昔
列見丘墳乃禪乃革或質或文周餘九裂漢季三分
魏風衰晚晉景彫曛天地發輝圖書受命皇建有極
神功無競魏籙仰天元符握鏡璽運會昌龍圖受命
案此二句衍也因各本皆有姑仍之乃瞻書軌永懷保定敷茲景跡流
美宏模襲我冠冕正我神樞水陸兼會周鄭交衢爰
勒洛汭敢告中區

石門銘

此門蓋漢永平中所穿將五百載世代綿迴屯夷邁

作乍開乍閉通塞不恒自晉氏南遷斯路廢矣其崖岸崩淪礮閣堙禡門南北各數里車馬不通者久之攀蘿捫葛然後可至皇魏正始元年漢中獻地哀斜始開至於門北一里西上鑿山爲道峭岨槃迂九折無以加經途巨礙行者苦之梁秦初附實仗才賢朝難其人衰蘭良牧三年詔假節龍驤將軍督梁秦諸軍事梁秦二州刺史泰山羊祉建旗幟漾撫境綏邊蓋有叔子之風焉以天嶮難升轉輸難阻表求自迴車已■開創舊路釋嶺磴之勞就方軌之逸詔遣左校令賈三德領■一■■■人共成其事三德巧思機發精解冥會雖元凱之梁河德衡之損躡未

續苑十四

十一

足偶其奇起四年十月十日訖永平二年正月畢功閣廣四丈路廣六丈皆填礫棧豁碎嶮梁■自迴車至谷口二百餘里連軸駢轡而進往哲所不工前賢所輟思莫不夷通焉王生履之可無臨深之歎葛氏若存幸息木牛之勞於是畜產鹽鐵之利統錦蜀巖之饒充仞川內四民富實百姓息肩壯矣自非思埒班爾籌等張蔡忠公忘私何能成其事哉乃作銘曰龍門斯鑿大禹所彰茲巖迺穴肇自漢皇導此中國以宣四方其功伊何旣逸且康去深去阻匪閣匪梁西帶汧隴東控樊襄河山雖嶮惟德是強昔惟畿甸今則關疆永懷■■在人亡不逢殊績何用再光

水眺悠口林望幽長夕凝曉露晝含曙霜秋風夏起
寒鳥春傷穹窿高閣有車麟麟威夷石道駟牡其駟
千載絕軌百兩更新敢刊巖曲以紀鴻塵魏永
平二年太歲己丑正月己卯朔卅日戊申梁秦典籤
太原郡王遠書

西壁文後漢永平中開石門今大魏改正始五年爲
永平元年餘功至二年正月訖手開復之年同曰永
平今古同前極矣哉後之君子異世同聞焉

天柱山銘

後魏 鄭道昭

孤峯秀峙高冠霄星實曰天柱鎮帶萊城懸崖萬仞
峻極霞亭據日開月麗景流精朝暉岩室夕曜松青

續苑十四

十一

九仙儀彩餘用栖形龍遊鳳集斯處斯寧淵緜窮想
照燭空溟道暢時乘光幽明雲門煙石登之長生

天柱山銘

北齊 鄭述祖

巖巖岱宗魯邦仍其致祀奕奕梁山韓國以之作鎮
蓋由拳石吐雲扶寸布雨五岳三望六宗九獻祈禱
斯應禮秩攸明天柱山者卽魏故通直散騎常侍中
書侍郎國子祭酒秘書監青光相三州刺史先君文
恭公之所題目南臨巨海北眺滄溟西帶長河東瞻
大壑斜嶺槩天層峯隱日尋十州於掌內總六合於
眼中文鯁自此經停精衛因其止息始皇遊而忘返
武帝過以樂留豈直蛾眉鳥翅二別兩嶠對談小太

共敘優劣者也公稟氣辰象含靈川嶽禮義以成規
矩仁智用爲樞機自結衣逞譽革履傳聲組綬相輝
貂冕交映至於愛仙樂道之風孝敬仁慈之德張良
崔廓未之云擬文先夏甫何以能加魏永平三年朝
議以此州俗關南楚境号東秦田單奮武之鄉麗其
騁辯之地民猷鄙薄風物陵遲諛諂俾乂非公勿許
及馭雞御下享魚理務羣情款密庶類允諧變此澆
夷之俗佯彼禮樂之邦懋績布在哥誥鴻範宣諸史
策公久闊枌榆永懷桑梓同昇隴而灑泣類陟岵以
興嗟於此東峯之陽仰述皇祖魏故中書令秘書監
兗州刺史文貞公迹狀鐫碑一首峯之東堪石室之

續苑十四

圭

內複製其銘余忝資舊德力構前基遂秉笏朝門策
名天府出入蕃邸陪從帷幄凡諸身歷瀛趙滄冀懷
及兗光行正十州刺史北豫州大中正三登常伯再
履納言光祿大常頰居其任揣究庸虛無階至此直
是遺薪妄委餘慶濫鍾何曾不想樹嗟風瞻天愧日
猥當今授踵迹此蕃敢慕楹書仰宣庭誨其詞曰
嵩高峻極太華峭成祈望諸素禋禱羣經崇哉天柱
迴出孤亭地險櫛德藉此爲名赫矣先公道深義富
如桂之馨如蘭之茂尊祖愛親存交賞舊讎屬愚淺
實慚穿構 大齊天統元年歲次乙酉五月壬午
朔十八日己亥刊使持節都督光州諸軍事車騎大

將軍

中

儀同三司光州刺史熒陽鄭述祖作

吳郡橫山頂舍利靈塔銘

隋嚴德盛

竊以至理無言非言無以寄理(元)蹤無體非體無以明蹤然則八十種好呈應身之妙三十二相表化質之妍至如獻土童兒聚沙稚子尙獲無窮之報猶成莫盡之因况撒身命重財崇諸聖業者矣但樹因之最無過起塔崇福之重詎甚建幢而銀青光祿大夫吳郡太守李顯者乃華陽杞梓江漢芳蘭夙布素誠少匡王國吐納風雷之際出處朱紫之庭縻爵峻於其身隆基茂於往葉温良洽於郡國孝友睦於閨門建節贊治張振化風門雖望族世載公卿安仁樂智

續苑十四

古

之心無違終食謙明惠厚之德造次必存仍共獎勸郡部官人奉爲皇帝皇后齊王六宮眷屬各捨七珍同崇八福在郡城之西山頂上營造七層之寶塔以九舍利置其中金瓶外重石槲周護留諸弗朽遇劫火而不燒守諸不移漂劫水而不易時有龍華道場比丘法首者歲居齟齬卽起踰城之心年將志學仍持航海之操自離親捨俗三十許年洞識苦空明閑法要誠心內發冥夢外酬時聞此山爲古之佛殿乃共於此所成斯勝業願寶鐸常搖法輪恒轉含生迴向□□歸心上通有頂之天傍及無邊之地同離生死之苦俱成涅槃之樂其辭曰

相焉是滅法矣非生蓋纏虛萃渴愛徒盈不無不有
何體何名業風既息法水便清以茲勝地令德來持
功施合矩化動成規如雲出岫狀月臨池清流不倦
貽銘無疲虔心局體同歸共慕施彼七珍崇斯六度
下被羣品上資天祚萬福莊嚴千靈輔護少宣令問
彼秀苗藪案藪舊誤聚今改輪轉三有馳流六通獨善非德
兼濟爲功俱成法雨用息塵籠

大隋大業四年歲次戊辰九月辛未朔八日戊寅立銘吳郡司戶嚴

德盛製文司倉魏瑗書吳郡志云寶積寺在橫山下亦名楞伽寺山頂有塔隋人所書塔銘碑石全

好案今已不存矣

萬年宮銘

唐高宗

續苑十四

五

朕聞金臺遙邁超忽崐閬之間玉闕參差綿邈蓬瀛
之際是以周王肆轍唯招既往之僊漢帝遐遊空益
將來之弊豈如岐陽峻鼻鎮茲京甸疏林光之別館
建甘泉之離宮東望翦華千林結影西瞻隴坂派水
分流南俯茶原風雲交映北臨石柱川朝宗迴迴
孤岑秀三襲於霞表斜斜危路環九折於雲心覆澗
澄陰扇炎風而變冷重巒潛暑韜夏景而飈寒故知
五鎮之基空号神州之地三仙之嶺虛傳靈府之都
未若翦石裁宮構飛檐於迴漢騰虛架宇聳紫殿於
遙空百仞朱樓月盈虧於青瑣千尋翠閣雲舒卷於
丹墀岫綴霞衣點虹梁而散錦巖懸溜帶瀆石砌而

飛珠浮涼氣於彤闈庭留花而雪夏凝清陰於碧沼
池結鏡而冰春泉起花岑■雙蓮而吐秀波搖錦石
皎兩鏡而騰暉幾片斷雲縈松合蓋數葉幽桂插月
分香暝壑栖煙籠千崖而散碧朝原上日輝四野而
舒紅笑樹餘花低空落影吟風宿鳥響谷雙驕媛不
恨而虛啼蝶無癡而起舞朕載懷千古流鑒百王思
欲屏逸收驕怡神遣慮崆峒訪道欽往哲之高風姑
射尋眞挹先賢之宿志所以停軒禁蘖駐蹕榆川非
欲賞恣盤遊途窮轍迹加以時侵首夏日■餘春露
泫脩篁風清遂澗松蘿雲起藤蔦星懸可以陶瑩心
靈澄清耳目鏡冰霜則廉潔斯在撫松筠則貞操非

續苑十四

六

遙昔姬后西征猶刊弁石秦皇東指尚勒稽峯■勝
地淹留何必華胥之國蕭然物外不假元圃之阿故
以劭美千齡騰徽萬古景其前躅爰紀茲地其銘曰
靈山作鎮挺秀岐陽遠圖天柱迴儷瑤房鸞驕淑氣
花泛韶光樹含冬霰巖留夏霜構宇重巘裁基疊岫
石砌披錦山窓點繡佩小蘭新峯殘蓮舊雪徑常花
冰溪恒畫標途天外聳闕雲端煙霾遂谷霧宿危巒
■徑■■湍彤闈潛暑翠幌凝寒憩駕離宮
淹留禁苑柳初眉細潭深鏡遠益逐雲穿苔隨溜卷
葉冷惟秋莊濃若晚泉飛嶺腹景鏤巖心霞疏錦薄
草密袍深露荷傾玉風螢散金檐空鷓靜山昏日沈

巨壑怡神林篁賞性千里眺覽八州澄鏡玉燭調序
薰琴動詠仰則茨山刊規遠暎 大唐永徽五年
歲次甲寅三月景午朔十五日庚申建

唐西明寺鐘銘

維大唐麟德二年歲躔星紀月次降婁二月癸酉朔
八日庚辰皇太子奉爲二聖於西明寺造銅鐘一口
可一萬斤發漢水之奇珍採蜀山之秘寶虞倕練火
晉曠飛鑪帶龍虛而騰規應鯨桴而寫製聲流九地
遐宣厚載之恩韻徹三天遠播曾曼之德寤羣生於
覺路警庶類於迷塗業擅香垣功齊塵劫式旌高躡
敢勒貞金頌其銘曰

續苑十四

七

青祇薦祉黃離降精渦川毓德瑤嶺飛英吹銅表性
問寢登情興言淨業載啓香城七珍交鑄九乳圖形
翔龍若動偃獸疑驚制陵周室規踰漢庭風飄旦響
霜傳夜鳴仰延皇祚俯導蒼生聲騰億劫慶溢千齡

姚元景造象銘

竊惟大雄利見送濟無邊眞諦克明神通自在是以
三千世界禪河注而不竭百億須彌甘露灑而恒滿
歸依妙理無乃可乎朝散大夫行司農寺丞姚元景
慈悲道長忍辱心遐悟朱紱之儻來沿紺池而利往
發願上下平安爰於光宅寺法堂石柱造像一鋪尔
其篆刻彰施儀形圓滿眞容湛匿坐青石而披蓮法

柱承而排紺霄而舞鶴雲②開朗金光炳然風塵晦冥玉色逾潔身不可垢道必常明宴坐經行善④多矣俾我潘輿盡敬將法輪而恒轉姜被承歡曳天衣而下拂崑丘燎火還披鷺嶺之雲寶刼成塵齋滌龍宮之水迺爲銘曰

法無上兮神化昌流妙宇兮爍容光弥億齡兮慶未央
長安四季九區十八②書

晉史憲銘

唐史疑

伊昔有熊道德資始名列五帝澤流千祀文捨伯邑武興太史官有世功春秋所紀衛尉疇嗣孝成以康將軍樹績光武其昌事列盟府功書太常源分陸海

續苑十四

六

派別三江懿彼侍中飛纓殿內爲王之伯熙帝之載左貂右蟬切問近對八舍攸履七車不昧散騎帝友朝夕進規奉輿肅事贊道攸宜有濟之論兼濟之儀獻替之美復在於斯桓桓積石允文允武外擅爪牙內爲心膂氣逸南仲才高召虎作師之貞爰誓其旅豫章太守人之領袖如玉之貞如松之茂共理天下實資時秀良二千石抑非虛授惟君挺生材術縱橫黃裳元吉白賁永貞荆巖植潤漢水騰明是謂家寶膺茲國楨英英學藝爲郎滿歲紫帳趨榮青練沐惠王譚練習鄭秦才計持實有章大猷無替悠悠廣熙南海之湄言典斯郡遠予將之變其風俗鎮以宣慈

人斯攸賴，吏不忍欺。列郡之政，茲焉爲盛。開國承家，大君有命。山川光錫，圭組輝映。是曰懋功，往哉惟敬。重此台望，期諸棟隆。初欣鄭鹿，奄歎虞鴻。麟傷孔子，馬思滕公。死而可作，善始令終。言式其墓，咏山之路。如斧載形，廣輪爲度。委鬱松楸，蒼茫草露。萬古同悲，千春罷曙。猗歟雲允，世豈乏賢。不忘其本，願述其先。陸家茂德，潘氏流泉。口聲懿範，日月俱懸。案建康志書憲爲尚書山陰侯史疑撰神道碑唐景龍四年作其碑字多磨滅是周應合所見銘文尚可讀今則亡其石矣錄載銘中取與王史威長海陵王一例也

景龍觀鐘銘

原夫一氣凝真，含紫虛而構極。三清韞祕，控碧落而

續苑十四

九

崇因雖大道無爲濟物歸於善貸而妙門有教滅咎在於希聲景龍觀者中宗孝和皇帝之所造也。曾城寫質閭苑圖形，但名在騫林而韻停鍾簾朕翹情八素締想九元命彼鼓延鑄斯無射考虞榘之懿灋得晉曠之宏規廣召鯨互遠徵鳧匠耶溪集寶麗壑收珍警風雨之辰節昏明之候飛廉扇炭屏翳營鑪翥鶴呈姿蹲熊發狀角而不震侈而克揚庶其曉散靈音鍾入鵷鸞之殿夕騰仙韻恒流鳩鵲之闈聾俗聽而咸痊迷方聞而永悟洪鈞式啓寶字攸鑄其銘曰紫宸御歷青元樹曰傾巖集寶竭府收珎杜夔律應張永規陳形包九乳儀超萬鈞上資七廟傍延兆人

風嚴韻急霜重音新自茲千歲從今億春懸玉京而
薦福侶銅史而司辰
景雲二年太歲辛亥金九
月癸酉金朔一十五日丁亥土鑄成

唐渾儀銘

後魏太史令晁崇修渾儀以觀星象按其儀以永興

四年歲次困敦原注子也案創造傳至後魏末入齊

往周隋至于大唐歷年久遠儀蓋傾墜日以太史原注

也正去景雲三年奉勅重令脩造使銀青光祿大夫

檢校將作少監楊務廉與銀青光祿大夫行太史令

瞿曇悉達正議大夫行太史令李仙宗試太史令殷

知易荊州都督祕書監兼右衛率薛玉銀青光祿大

續苑十四

夫檢校祕書監吳師道正議大夫行祕書少監閻朝

隱等首末共營各盡其思至先天二年歲次赤奮若

原注丑也案成其銘曰

周天三萬七千里分寸無欺成歲三百六十日盈縮

有期敬之敬之以授人時

虢國公楊花臺銘 并序

唐申屠液

原夫眞性卽空從色聲而有相道源無體因法教以

沿流所以人天捨千萬之資神鬼建由旬之塔金衣

紺髮盡留多寶之臺銀疊青蓮並入眞珠之藏湛然

釋氏一千餘年輔國大將軍虢國公楊等皆天子貴

臣忠義盡節布衣脫粟將軍有丞相之風牛車鹿裘

驃騎滅中人之產爰抽淨俸申疋嚴之事也華簷覆
像盡垂交露之珠玉砌連龕更飾雄黃之寶風箏逸
韻飛妙響於天宮花雨依微灑輕香於世界猶恐蓬
萊策變石折不周仍鑿長者之經必勒輪王之偈書
工紀事廼爲銘曰

昭昭大覺巍巍聖功身融剝海顛洽虛空問衆趣以
室惕闡元門以包蒙物成緣而必應理無幽而不通
有美至人股肱良臣受聖寄狂聞難經綸英謀貫土
韜略通神一蒙金鉞屢建華勛善代不伐功成不居
功歸天子善托眞如乃貢靈相用荅冥符佛心雖空
佛福常在願普此因同臻性海 開元十二年十

續苑十四

三

月八日判官亳州臨渙縣尉申屠液撰案此序及銘
塔寺分刻序與銘各爲一石故於銘前另題云楊將
軍新莊像銘著錄金石者多分爲二王氏萃編始知
其誤今從之去
另題一行不錄

古井銘

唐趙光乘

天寶九載冬十月尉趙光乘檢校造因勒銘云不
費城之井昭然道周土缶舊得石幹今修徵大易之
不改垂一善於千秋末有紹聖四年逢完題字并在
山東費縣卽國語季恒了穿井
得鑽羊之井費卽李
氏邑此銘前人未載

崑臺銘

唐元結

浯溪東北廿餘丈得怪石焉周行三四百步從未申
至丑寅崖壁斗絕左屬回鮮前有磴道高八九十尺

下當河潭其勢磅礴半出水底蒼蒼然泛泛若在波
上石顛勝異之處悉爲亭堂小峯嵌竇宜開松竹掩
映軒戶畢皆幽竒於戲古人有畜憤悶與病於時俗
者力不能築高臺以瞻眺則必山巔海畔伸頸歌吟
以自暢達今取茲石將爲晤臺蓋非愁怨乃所好也
銘曰

湘淵清深晤臺階隄登臨長望無遠不盡誰厭朝市
羈牽局促借君此臺壹縱心目陽崖礧琢如瑾如珉
作銘刻之彰示後人
有唐大曆二年歲次丁未
六月十五日刻河南元結字次山撰

唐廩銘

續苑十四

唐元結

浯溪之口有異石焉高六十餘尺周回四十餘步西

面在江中

案西篆作幽古文也或釋爲山者非東望晤臺北面臨大淵

南枕浯溪

唐廩

字即亭當岸石上異木夾屎

字即戶疎竹

秀簷瀛州言无諤

字即由此可信若在廩上目所厭者

遠山清川耳所厭者水聲松歛霜朝厭者寒日方暑

厭者清風於岸厭不厭也厭猶愛也命曰唐廩旌獨

有也銘曰

一名之五

字即寅得木土林

埜之客所就水石年牂

字即將

五十年始有唐廩愜心自適與世忘情廩旁石上

篆刻此銘

有唐大曆貳年歲次戊申閏六月九

日

東厓銘

唐元結

崕臺西面，傲伎高迥。在唐亭為東厓，下可行坐。八九人，其為形勝，與石門石屏亦猶宮羽之相資也。銘曰：崕臺蒼蒼，西厓雲端。亭午厓下，清陰更寒。可容枕席，何事不安。

大岷山銘

唐洪經綸

登於大岷，倉禹古文所經過，頂凸坤儀，根壓洪河。天生忠良，濟物宏多。山靈河神，俾環海戢戈。

唐建中元年四月廿六日，勅魏博成德幽州等道黜陟使諫議大夫洪經綸題。石刻在黎陽山以黎陽為在今記水不在瀘縣也

續苑十四

唐張洗

唐濟瀆廟北海壇二所新置祭器沈幣雙舫雜物之銘并序

唐張洗

有唐六葉，海內晏然。偃革儒宗，乎祀典封茲瀆。為清源公，建祀於泉之初源也。置瀆令一員，祝史一人，齋郎六人，執魚鑰備灑掃。其北海封為廣澤王，立壇附於水之濱矣。天子以迎冬之日，命成周內史奉祝文宿齋，毳冕七旒，五章劍履玉珮，為之初獻。縣尹加繡冕六旒，三章劍履玉珮，為之亞獻。邑丞元冕加五旒，無章亦劍履玉珮，為之終獻。用三牲之享，邦之大事先在祀乎。濯纓不才，謬領茲邑。下車入廟，每事皆問。主者有云：俎豆素闕，弊難悉數。其尤者有五：北海

望壇臨事壘土朽椹一歲而費數金爲勞之甚其弊一也二所祭器凡百有二十二事至時請於上察轉轂入洛去來三百餘里仍以稅緡酬之積有歲時不知窮極其弊二也沈幣雙舫又以車取沁河渡口之舟往返之勞結綵之飾其弊三也兩壇位席百領有餘戶至誅求爲擾非潔其弊四也牀榻乃至匕箸器用之類門到斂索事終存亡大半其弊五也既革前弊輒爲之銘銘曰

寤寐求思如神有知大風離披壞木於斯人吏驚馳念茲悟茲前年夏及今年春大風壞楸槐數株爲余因用此材而爲祭器兼沈幣之勅也爲余有意廟中無備沈幣雙舫二壇祭器子來悅使所借

續苑十四

岳

皆遂觀者闐闐事無闕焉刻之於石以俟後賢是時也貞元十有三年朝散大夫行河南府濟源縣令張洗字濯纓撰

軒轅黃帝鑄鼎原碑銘

并序 唐王 顏

惟天爲大惟帝堯則之惟道爲大惟黃帝得之南華經曰道神鬼神帝生天生地黃帝守一氣衍三墳以治人之性命迺鑄鼎茲原鼎成上升得神帝之道原有爲谷之變銘紀鑄鼎之神銘曰

道匪神帝帝在子人大哉上古軒轅爲君化人之道鑄鼎自神漢武秦皇仙冀徒勤去道日遠失德及仁恭惟我唐元德爲鄰方始昌運皇天所親唐與茲原

名常鼎新 虢州刺史太原王顏撰華州刺史兼
御史中丞陳郡袁滋謫書唐貞元十七年歲次辛巳
正月九日癸卯建

南溪元巖銘并序

唐李涉

桂爲郡也巖其先之有井室人民百千祀矣居是邦
者匪哲則豪何四三里之內而巖不載於前籍爲巖
將屈於古而合伸於今哉爲人未知其巖巖俟人以
時哉青溪子昧而未詳也予之仲曰渤受天雅性生
不雜玩少嘗讀高士傳列仙經遊衡霍幽遐之境巢
高廬水石之奧凡俗所覩必皆礪磨大璞翦鑿遺病
意適而制非主於名寶歷初自給事中出藩於桂一
之年治鄉野之病二之載搜郭郭之遺得隱山元巖
冥契素尚余因謫去炎海途由桂林巖之勝再遂其
賞勒銘洞石表遠跡於他年銘曰

續苑十四

五

桂之有山潛靈億年拔地騰霄戟列刀攢巖之有洞
窈窕鬱盤虎挂龍懸形狀萬端威馳杳冥仰杳嶺岷
玉落磬墜幽聲晝寒巴陵地道小有洞天文籍之聞
吾何有焉酒一卮兮琴一曲嘒巖之下可以窮年

青溪子李涉

後涪溪銘

唐王邕

巋然晤臺枕於祁陽迥然楚方臨於瀟湘孤標一峯
不止百尺嵯峨巨峻■潔堪礪英才別業雅有儒風

河南元公高卧其中位爲獨坐人不知貴興愜茲地
心閑勝事松花對偃薜葉交垂鑿作遠因泉漲池
乃構竹亭乃葺茅宇羣書當戶靈藥映圃嘉賓駐舟
愛子能文弄琴對雲酒熟蘭薰何必磻溪方可學釣
何必衡嶠方可長嘯我收此郡契於幽尋刻銘山岑
政告烟林

修養雜訣氣銘

一氣未分三才同源清濁既異元氣各存天法象我
我法象天我命在我不在於天昧用者天善用者延
性和志寂守一神閑靈芝在身不在於山返一守和
理合元精極乃明神極乃靈氣極乃精無氣乃冥

續苑十四

美

因氣而衰因氣而榮因氣而死因氣而生喜怒哀亂氣
性情交爭擁搆成患神形豈盡鍊陽銷陰其氣自行
以正遠邪其患自平乾坤澄淨子後午前閉目平空
握固冥然納息盧中吐息天關入息微微出息縣縣
以意引氣臍腑迴旋然後呵之榮衛通宣但有不和
遣之踵前五呵六呵無疾不蠲凡欲胎息導引爲先
經脉不擁關節不煩或如射雕側身彎環或舉腰膝
如蟾半圓交匝腦後左旋右旋勁展兩足氣出指端
擺掣四肢捉搦三關熟摩尺澤氣海亦然叩齒集神
合眸固關寘心忘形任意往還覺氣調勻擁塞喉閒
擁氣則咽三五相連轉舌漱入咽下丹田以意送之

令聲汨然一咽三咽再咽如前三十六咽胎息成焉
大道無爲爲於無爲不爲爲爲莫若無爲不思爲思
莫若無思萬法自然不假施爲不寒不熱不渴不飢
恬淡無爲以道自怡妙中之妙微中之微懷道君子
銘之佩之

唐鏡銘

絕照覽心圓輝矚面藏寶匣而光掩挂玉臺而影見
鑿羅綺於後庭寫衣簪乎前殿

又

團團寶鏡皎皎昇臺鸞窺自儷照日花開臨池似月
覩兒嬌來

又

續苑十四

毛

月揉團圓水揉清好將香閣伴閑身青鸞不用羞孤
影開匣當如見故人

許長史井銘

徐鉉

長史含道棲真九天人非邑改丹井存焉射茲谷鮒
冽彼寒泉分甘玉液流潤芝田我來自西尋眞紫陽
若愛邵樹如升魯堂敬刊翠_珠永識銀牀噫嗟後學
挹此餘光_{此銘集內未載}

盧縣說性亭銘

宋申革

我饗皇澤粵自前年罷秩浙右宰邑河邊下車餘月
曾不怡顏蓋其公舍岳陋非全俄選隙地構亭成閒

茅覆其上，莎植其前。南瞻巨浸，西逼深泉。北依綠樹，東對青山。周回顧望，景色相連。自公之暇，據此幽閑。命題說性，孰謂不然。勒銘因事，萬世緜緜。

皇宋[○]淳化二年十月廿日立。碑在陽穀安樂鎮山左金石志缺載子始訪得

故存其文

泰山天門銘

元 杜仁傑

元氣裂兩儀，具五岳峙。真形露惟岱，宗儼箕踞。仰彌高，屹天柱。活干劫，窒來去。誰為鑿起，天慮非斤斧。乃祝詛一竅，開達底處。十八盤，盤千步。蒼初吐，抱圍樹。日車吳，慘曦馭。六龍頽，莽迴互。踏此往，嘉無數。無懷下，兵刑措。七十君，接鑾輅。聖道熄，彝倫斲。揖讓歇，篡

續苑十四

天

奪屢忽焉，闔梗無路。象緯森，勅訶護。朝百靈，由茲戶。金璀璨，朱閒布。九虎蹲，萬夫怖。我欲叩，闈者怒。闈何時坦如故，對冕旒。獲控愬，豁蒙蔽。泄塵霧，刮政疵。剔民蠹，上得情。下安作，額血殫。帝聰悟，崖不磨。蒼髯豎，刻我銘。期孔固，垂萬世。正王度。

續古文苑卷第十五

賜進士及第授通奉大夫山東通省督糧道加三級孫星衍撰

碑志一

三公山碑

元初四年常山相隴西馮君到官承饑衰之後眾惟
三公御語山三條別神迥在領西吏民禱祀興雲膚
寸徧雨四維遭離羌寇蝗旱鬲斥民流道荒醮祠希
罕敬奠不行由是之來和氣不臻乃來道要本規其
原以三公惠廣其靈尤神處幽道艱存之者難卜擇
吉土治東就衡山起堂立壇雙闕夾門薦牲納禮以
當其神神熹其位甘雨屢降報如景響國界大豐穀

續苑十五

斗三錢民無疾苦永保其年長史魯國顏浮五官掾

閻格戶曹史紀受將作掾王籥元氏令茅匡丞吳音

廷掾郭洪戶曹史翟福工宋高等刊石紀焉翁氏釋文規誤

作視衡山上脫就字

漢滎口石門碑

漢邊詔

惟陽嘉三年二月丁丑使河隄謁者王誨疏達河川
遙荒庶土往大河衝塞侵齧金堤以竹籠石葺土而
爲場壤隕無已功消億萬請以濱河郡徒疏山采石
壘以爲障功業既就徭役用息辛未詔書許誨立功
府卿規基經始詔策加命遷在沈州乃簡朱軒授使
司馬登令纘茂前緒稱遂休功登以伊洛合注大河

南則緣山東過大匡回流北岸其勢鬱濛濤怒湍急
激疾一有決溢彌原淹野蟻孔之變害起不測蓋自
姬氏之所常蹙昔崇鮐所不能治我二宗之所劬勞
於是乃跋涉躬親經之營之比率百姓議之於臣伐
石三谷水匠致治立激岸側以捍鴻波隨時慶賜說
以勸之川無滯越水土通演役未踰年而功程有畢
斯乃元勲之嘉課上德之表也昔禹修九道書錄
其功后稷躬稼詩列於雅夫不憚勞謙之勤夙興厥
職充國惠民安得湮沒而不章焉故遂刊石記功垂
示於後其辭云云案鄆氏云石銘歲遠字多論使河隄謁者山陽東緡司馬登字伯志代東萊曲成王誨

續苑十五

二

字孟堅河內太守宋城向豹字伯尹丞汝南鄧方字
德山懷令劉丞字季意河隄掾匠等造陳留浚儀邊
韶字孝先碑云陳留邊韶字孝先頌漢人立碑之
河南則緣山東過大匡足證漢人所言大
徑在成皋不加臣贊以黎陽山當之也

惟漢永和三年八月敦煌太守裴岑紀功碑

千人誅呼衍王等斬馘都衆克敵全師除西域之虞
獨四郡之害邊竟艾安振威到此立海祠以表萬

世海祠言祠在西

濟陰太守孟郁修堯廟碑

漢永康元年 月 惟昔帝堯聖德慶苞 號赫

赫蕩蕩垂基赤精之胃爲漢始別陵氣炎熅上交倉
魏魏之盛乾川見徵敬修宗壑長吏奉祠三牲粢
饌獻珍于時俵著燿銘宣颺厥休乃招禎祥萬是
來鴻名遂顯傳于千秋

濟陰太守河南夏侯孟府君諱郁字敬達治尚書經
博覽衆文天姿瑋度體性溫仁闢極道之要妙游觀
六藝之原撮旋機之政務在濟民歷典六郡威教若
神遺訓垂歌淵懿允純功績煥炳恩如浩倉咨招巖
穴股肱賢良廣祈多福雯夙興聞帝堯陵在成陽
遣戶曹掾史具中窄祠常以甲子日與西宮樂生俱
詣大聖陳上古之禮舞先王之樂鞞磬祝罔五音

續苑十五

三

之儀莫不盡備敷列技藝以榮大聖延熹十
年仲春二月陽氣浸陰始雩來享祀羣神仰瞻雲
漢孟府君奉宣詔書行縣到成陽將辭帝堯行禮未
周則景雲四集翔風膏雨卽時大降嘉樹優沾利茂
萬物陰陽和協百姓賴福是時欣然悅諸產
繁殖倉庾充塞孟府君深惟響應效之經典知聖堯
精靈與天通神修治壑地致播瑚石闡二坐昭
配帝圖象規柜五畫上下相承無所遺失陟工
旌密有班道之巧使府內百石城吳諱升字三君
守衛園陵興置屋詔書大祠升與縣令丞恭奉肅
敬齊絜炊爇莫不雍雍列種柏樹吏卒養護南通靈

臺東注城域委曲月而墀然望圖紀萬世功驗永著時令河南河南呂君諱亮字元山宰政宣化慈惠博覆為葵元來福奉事大聖司司不解垂拱無為如治也今本釋釋誤治為始據洪文惠跋云其言無為如治正之如即而字也其允君也承河內州王諱萇字伯盛左尉潁川潁陽諱愔字世高皆關綜雅藝通洞運度詢于上下僉然同謀因孟府君飭治大壑自率掾史駐駕便坐南北望表內相副赫如屋楮蘭然成就孟府君必受大聖嘉福公侯傳子孫濟陰吏士歌術功稱萬世常存成陽丞民蒙其榮賜訓發聲呂君諸壁干祿于天令裕衍尊永汜无窮

續苑十五

四

惟序仲氏祖統所出本繼於姬周之遺苗天生仲山甫翼佐中興宣平功遂受封於齊周道衰微失爵亡邦後嗣乖散各相土譯居帝堯萌兆生長葬陵在於成陽聖化常存慕魏魏之盛樂風俗之美遂安處基業屬都鄉高相里因氏仲焉以傳于今子孫承緒履仁好義耽樂道術教授經業雍徒帶眾滋滋汲汲誨人不倦海內稱之曰馮術之宗天監孔明祚善應印紉相承銀艾不絕稟性乾元世世廉約故能高如不危滿如不溢孟府君繕飭殿齋立百石舍仲氏宗家共作大壑前石礪階陛欄楯貧富相扶會計欣懽不謀同辭錢應時即具招工募石燿然俱至各進琦

巧不日成之詔書九月三往大祠諸所造作煥然成就仲氏宗家並受福賜復刊碑勒誅昭示來世表著孟府君美助於陽昧疑昇字作財紀祖禋所出官位宦寧皆不可測子子孫孫必蒙大聖休烈之福以勸後進昌熾無極

淳于長夏承碑

君諱承字仲爽東萊府君之孫大尉掾之中子右中郎將弟也累葉牧守印紱典據十有餘人皆德任其位名豐其爵是故寵祿傳于歷世策薰著于王室君鍾其美受性淵懿含和履仁治詩尚書兼覽羣藝靡不尋暢州郡更請屈已匡君爲主薄督郵五官掾功

續苑十五

五

曹上計掾守令冀州從事所在執憲彈繩糾枉忠絜清肅進退以禮允道薦愛先人後已克讓有終察孝不行大傅胡公歆其德美旌招俯就羔羊在公四府歸高除淳于長到官正席流恩褒譴糾姦示惡旬月化行風俗改易輻軒六轡飛躍臨津不日則月皓天不弔殲此良人季五十有六建寧三季六月癸巳淹疾卒官嗚呼痛哉臣隸辟踊悲動左右百姓號咷若喪考妣嗚呼孤憤泣切怛傷摧勒銘金石惟以告哀其辭曰

於穆皇祖天挺應期佐時理物紹縱先軌積德勤約燕于孫子君之羣感並時繁祉明明君德令問不已

高山景行慕前賢別庶同如蘭意願未止中遭冤天
不終其紀夙垂實祚早喪懿寶抱器幽潛永歸蒿里
痛矣如之行路感動黨魂有靈咎後不朽

成陽靈臺碑

惟帝堯母昔者慶都兆舍穹精氏姓曰伊臚蘭石之
操履規矩之度則乾川之象通三光之曜游觀河濱
感赤龍交如生堯厥後堯來案當是求字祖統慶都告以
河龍堯歷三河有龍授圖躬行聖政以育前前火陽
之盛先聞後明遂以侯伯逐踐帝宮慶都僊歿蓋至
于茲欲人莫知名曰靈臺上立黃屋堯所奉祠下營
以水神龍所熹靈龜隱刑汾踊波流比曰鱗魚濯鱗

續苑十五

六

通泉元礫菟蘆生逆臺涯貫長歷久崇如三代
改易荒廢五運精還漢受濡期興滅繼絕如堯
為之承祠基年鮪魚復生故有靈臺畜夫魚師衛杜
驛靈鮪魚服之逆壽之之際道小衰沮遂遭亡新
禮祠絕矣於是故廷尉仲定深惟大漢隆盛德彼四
表太平未至靈瑞未下四夷數侵軍甲數擾匪皇啓
居日禋不夏案經孝典河洛祕爽漢感赤龍堯之首
胄當脩堯祠追遠復舊復治黃屋推原聖意灾生變
見天以譴告前後奏上陳敘大義招祥塞咎為漢來
祚朝廷克省帝納其謀歲以春秋奉大率祠時廷尉
迭位連自兩漢金石記云所見重刻表奏詔英嘉命

本作自洪作自當是訛

遂見聰為大中大夫歸治黃壑令月吉日圖立
規堊興業會工厥靈夷平上合天意下應
飭五色華精上重刻本闕通天戶嚮少陽前設大
壑俟神之堂地致石墀其下清涼可舞八
章時濟陰太守魏郡審晃成陽令博陵管遵各遣大
掾輔助仲君經之營之不日成之神靈精氣依怙於
人廢之則亡存之則神復帥羣宗貧富相均共慕市
碑著立功訓勒石銘中門之表上擇元日齊革精
誠先薦毛血謹慎犧牲祈祠獲福神享其靈甘雨時
降百穀孰成幽荒率服徐方來庭萬國蒙祉稔元賴
榮莫不被德咸歌頌聲其辭曰

續苑十五

七

於赫慶都德彊大兮承神精耀統赤裔兮爰生聖堯
名蓋世兮上受符命迓帝制兮廣彼之恩流荒外兮
歷紀盈千垂遺愛兮陵廟復崇享大祭兮上來多愷
降福沛兮萬國禱靈孰不賴兮光宣美勛永幣兮
垂視罔極億萬歲兮

濟陰太守魏郡陰安審君諱晃字元讓從公車令來
成陽令博陵蠡吾菅君諱遵字君臺從東明門司馬
來丞潁川新汲尹茂字伯舉遷下邳尉尉潁川襄城
楊調字君舉仲訢伯海從右中郎將遷鉅鹿太守仲
球伯儀從大尉掾遷呂長仲選孟高辟司徒府遷徙
不絕皆興治大聖黃屋之力

建寧五年五月造

司隸校尉楊淮碑

故司隸校尉楊君厥諱淮字伯邳舉孝廉尚書侍郎
上蔡雒陽令將軍長史任城金城河東山陽太守御
史中丞三為尚書尚書令司隸校尉將作大匠河南
尹伯邳從弟諱弼字穎伯舉孝廉西鄂長伯母憂去
官復舉孝廉尚書侍郎遷左丞冀州刺史大醫令下
邳相元弟功德半盛當究三事不幸早隕國喪名臣
州里失覆二君清頌約身自守俱大司隸孟文之元
孫也

黃門同郡下玉字子珪以熹平二年二月廿二日謁

續苑十五

歸過此道述勒銘故財表記財即尋字或誤釋為財

武都太守耿勳碑

漢武都太守右扶風茂陵耿君諱勳字伯瑋其先本
自鉅鹿世有令名為漢建功俾侯三國卿守將帥爵
位相承旨迄于君君敦詩說禮家仍典軍歷難和戎
武慮慷慨巨得奉貢上計廷陳惠康安遏之謀上納
其謨拜郎上黨府丞掌令考績有成符英乃洪闕垂恩
熹平二年三月六日郎洪闕官奉宣詔書哀閔垂恩
猛不殘義寬不宥姦喜不縱慝威不戮仁賞恭罰否
昇主洪闕輿流其於統系洪闕寵存贈亡篤之至也
歲在癸丑厥運淫雨傷害稼穡率土皆議開倉振澹

身冒炎赫火星之熱至屬縣巡行窮匱陟降山台經

營拔涉草止露宿扶活屨洪闕今補兩漢金餐洪作石記云下半從食餐今

改千有餘人出奉錢市洪誤作洪誤衣賜給貧

乏發荒田耕種賦與洪闕寡獨王佳小男楊孝等三

百餘戶減省貪吏三百八十人勸課洪趨時百姓樂

業老者得終其壽幼者得日全育甘棠之愛不是過

矣又開故道銅官鑄作錢器興利無極外羌且居洪闕

補今等佈威悔惡重譯乞降修治狹道分子効力復大

者洪闕此小民洪如得眾地之歡心可謂印之若明神

命洪誤嘆刊勒斯

石表示無窮其辭曰

續苑十五

泰華惟岳神曜吐精育茲令德既詰且明寔謂耿君

天胙顯榮司牧莅政布化惟成柔嘉惟則穆如風濤

勤卹民隱拯阨扶頌洪闕皇啓處洪闕東撫西

征赤子遺慈旨活呂生山靈挺寶匈灾洪闕乃洪誤

平愷悌父母民賴呂寧嘉平三年四月廿日壬

戌西部道橋掾下辨李鑿造此碑校隸續有不同及多出者詳每字下

豫州從事尹宙碑

君諱宙字周南其先出自有殷迺迄于周世作師尹

赫赫之盛因以為氏吉甫相周宣勛力有章文則作

頌武襄獫狁二子著詩列于風雅及其元孫言多世

事景王載在史典秦兼天下侵暴大族支判流僊或

居三川或徙趙地漢興以三川爲潁川分趙地爲鉅
鐘故子心騰於楊縣致位執金吾子孫以銀艾相繼
在潁川者家于僑陵克纘祖業收守相亞君東平相
之元會稽大守之曾富波侯相之孫守長社令之元
子也君體溫良恭儉之德薦親於九族恂恂于鄉黨
交朋會友貞賢是與治公羊春秋經博通書傳仕郡
歷主簿督郵五官掾功曹守昆陽令州辟從事立朝
正色進思盡忠舉衡以處事清身以厲時高位不以
爲榮卑官不以爲恥含純履軌秉心惟常京夏歸德
宰司嘉焉季六十有二遭離寢疾熹平六年四月己
卯卒於是論功敘實宜勒金石乃作銘曰

續苑十五

十

於鏤明德于我尹君龜銀之胄弈世載勛綱紀本朝
優劣殊分守攝百里遺愛在民佐翼牧伯諸夏肅震
當漸鴻羽爲漢輔臣位不福德壽不隨仁景命不永
早卽幽昏名光來世萬祀不泯

溧陽長潘乾校官碑

蓋漢三百八十有七載
于
銘功著

斯金石其誅曰

溧陽長潘君諱乾字元卓陳國長平人蓋楚太傅潘
崇之末緒也君稟資南霍洪闕今補之禮天字洪闕四依

單禮釋文兩漢金石記德之絕捺髻髦克洪闕依敏
視作神上後有德之絕捺髻髦克洪闕依敏
或洪闕今補學典謨祖講詩易剖演奧藝外覽百氏

洪作衆儁洪闕依單釋兩漢金石記作推挈聖抱不測之謀秉高世

之介屈私趨公即仕佐上郡位既畢孔武起著

疾惡義形從風征暴執訊獲首除曲阿尉禽姦莩猾

寇息善歡履蕪竹之廉蹈公儀之絜察廉除茲初案此

實為初未詳字當作初視碑鷹清肅賦仁義之風脩今補或釋

口之迹烝化放康岐周流愛雙厚親取寶智進

直退慝布政優優令儀令色獄無呼嗟之冤壅無叩

匈之結矜孤頤老表孝貞節重義輕利制戶六百省

無正繇不責自畢百姓心歡官不失實於是遠人聆

聲景附樂受一廛既來安之復單釋依役三年惟泮

宮之教反失續苑十五俗之禮構修學官洪作宗懿招

德既安且單釋改寧干侯用張廛豆用敝發彼有

的雅容閑鍾磬縣矣于旨樂焉乃作敘曰

翼翼聖慈惠我葦蒸貽我潘君平茲溧陽彬文起武

扶弱抑疆今補劉懷雄流惡顯忠咨疑元老師啟

作朋修學童冠琢質繡章實天生德有漢將興尚且

在昔我君存今即單釋依此龜艾遂尹三梁永垂支

百民人所彰子子孫孫卑余熾昌

丞沛國銓趙勳字萇伯左尉河內汲董並字公房右

尉鶻章南昌程陽字孝遂

時將作吏名戶曹掾楊淮議曹掾李就議曹掾梅洪

桓依單釋改檜戶曹史賀從掾位侯祖主記史吳超門

下史吳訓門下史吳翔門下史時球

光和四季十月己丑朔廿一日己酉造

此碑校錄釋有不同及多

出者詳每字下反失俗之禮建康志作汝拾之禮視碑實為失俗元至順癸酉濟陰單禧釋文是矣

邵陽令曹全碑

君諱全字景完敦煌效穀人也其先蓋周之胄武王

秉乾之機翦伐殷商既定爾勳福祿攸同封弟叔振

鐸于曹國兩漢金石記因氏焉秦漢之際曹叅夾輔

王室世宗廓土岸竟子孫遷于雍州之郊分止右扶

風或在安定或處武都或居隴西或家敦煌枝分葉

布所在為雄君高祖父敏舉孝廉武成長史巴郡胸

忍令張掖居延都尉曾祖父述孝廉謁者金城長史

續苑十五

十一

夏陽令蜀郡西部都尉祖父鳳孝廉張掖屬國都尉

丞右扶風隃麋侯相金城西部都尉北地太守父琫

少貫名州郡不幸早世是以兩漢金石記位不副德

君童齷好學甄極絳緯無文不綜賢孝之性根生於

心收養季祖母供事繼母先意承志存亡之敬禮無

遺闕是以鄉人為之諺曰重親致歡曹景完易世載

德不隕其名及其從政清擬夷齊直慕史魚歷郡右

職上計掾史仍辟涼州常為治中別駕紀綱萬里朱

紫不謬出典諸郡彈枉糾邪貪暴洗心同僚服德遠

近憚威建寧二年舉孝廉除郎中拜西域戍部司馬

時疏勒國王和德弒父篡位不供職貢君興師征討

有充牣之仁。分醪之惠。攻城野戰。謀若涌泉。威卒諸賁。和德面縛。歸死還師。振旅諸國。禮遺且二百萬。悉以薄官。遷右扶風。槐里令。遭同產弟憂。棄官續。遇禁。因潛隱家巷。七年。光和六年。復舉孝廉。七年三月。除郎中。拜酒泉祿福長。詆賊張角。起兵幽冀。充豫荆楊。同時並動。而縣民郭家等。復造逆亂。燔燒城寺。萬民騷擾。人裹不安。三郡告急。羽檄仍至。于時聖主。詔誡羣僚。咸曰。君哉。轉拜郃陽令。收合餘燼。芟夷殘逆。絕其本根。遂訪故老商量。案碑陰云。縣三。傷艾王。啟王。畢等。恤民之要。存慰高年。撫育鰥寡。以家錢糴米粟。賜瘡盲大女。桃斐等。合七首藥。神明膏。親至離亭。部

續苑十五

三

吏王臯

案此臯字也。各

程橫

案碑陰云。故市掾程橫。孔休益橫。同字耳。

等賦與有疾者。咸蒙瘳。悛惠政之流。甚於置郵。百姓緇負。反者如雲。戢治廬屋。市肆列陳。風雨時節。歲獲豐年。農夫織婦。百工戴恩。縣前以河平元年。遭白茅。台水灾害。退於戌亥之間。興造城郭。是後舊姓。及修身之士。官位不登。君乃閱縉紳之徒。不濟開南寺門。承望畢嶽鄉明。而治庶使學者。李儒。案碑陰云。徵博。士李儒。文優。欒規程寅等。各獲人爵之報。廓廣聽事官舍。廷曹廊閣。升降揖讓。朝覲之階。費不出民役。不于時門。下掾王敞。錄事掾王畢。案碑陰云。故門下掾王敞。元。方故門下。故掾王畢。世異。主簿王歷。戶曹掾秦尙。案碑陰云。故功。曹秦尙孔都。功曹史王顓等。嘉

慕奚斯考甫之美乃共刊石紀功其辭曰
懿明后德義章貢王庭征鬼方威布烈安殊克還陟
旅臨槐里感孔懷赴喪紀嗟逆賊燔城市特受命理
殘圮芟不臣靈黔首繕官寺開南門闕嗟峨望聿山
鄉明治惠沾渥吏樂政民給足君高升極臯足
中平二年十月丙辰造

秦君碑

余聞湯武千載周孔異世以義相高况余忝祿踐跡
遵基竊慕揚善喟然而嘆其鄙辭曰

於穆秦君命世優邁承祖皇裔出畢紀行錄功
必本其初惟君總角勵志仲尼從容六藝佃田疇

續苑十五

古

升階英妙轉典蒸黎爲政崇博五教並和仁賢敘位
法依蕭何囹圄空虛鄉無遁逃凡百肅雍莫不率從
境內旣寧路不資遺耕夫千畝餘種不歸立清介白
食茹拔葵三年有成嬰兒謠歌鼓腹喜德踊躍嘔晷
水靜魚集國富民繁戶增十倍牧守孔嘉怒不斷刑
寬不容非化准邠邵比翻而飛永如南山不缺不虧
畧取大較丹書刻石垂示後昆識者察焉碑在滕縣今不存蓋近歲失之也

靈帝河間舊廬碑

漢張

超

赫赫在上陶唐是承繼德二祖四宗是憑上龜鑒乎
義農中結軌乎夏商元首旣明股肱惟良乃因舊宇

福德所基修飾經構農隙得時樹中天之雙闕建冠山之華堂通樓閒道丹階紫房金牕鬱律玉璧內瑄青蒲充庖朱草棲箱川魚踴躍雲鳥舞翔煌煌大漢合德乾綱體効日月驗化陰陽格于上下震暢八荒三光宣曜四靈効祥天其嘉享豐年穰穰騶虞奏樂鹿鳴薦觴工祝致告福祿來將永保萬國南山無量

魯天子碑

漢 彌 衡

受天至精純粹睿哲崇高足以長世寬容足以廣包幽明足以測神文藻足以辨物然而敏學以求之下問以諏之虛心以受之深思以詠之愍周道之迴遙悼九疇之乖悖故發憤忘食應聘四方魯以大夫之

續苑十五

五

位任以國政之權譬若飛鴻鸞於中庭聘騏驎於閭巷也是以期月之頃五教克諧移風易俗邦國肅焉無思不服懿文德以紆餘綴三五之紀綱流洪耀之休赫曠萬世而揚光夫文明以動天則也廣大無疆地德也六經混成洪式也備此三者聖極也合吉凶於鬼神遂殂落於夢寐是以風烈流行無所不通故立石銘勛以示昭明辭曰

煌煌上天篤降若人邈矣悠哉千祀一鄰明德宏監情性存存奕奕純嘏稽憲乾坤曜披靈祇以訓黎元終日乾乾配天之行在險而正在困而亨窮達之運委諸穹蒼日月則陰天地不光聖廟殂崩大猷不綱

顏子碑

漢禰衡

稟天地之純和鍾岳瀆之休靈睿哲之姿誕自初育
英絕之才顯乎嬰孩在東脩之齒入宣尼之室德行
邁於三千仁風橫於萬國知微知彰聞一覽十用行
舍藏與聖合契名爲四友之冠實盡疏附之益爾乃
安陋巷挹清流甘簞瓢以充飢雖屢空而不憂于時
河不出圖周祚未訖仲尼無舜禹之功先生包元凱
之烈其辭曰

亞聖德蹈高蹤遊洙泗肅禮容備懿體心彌沖秀不
實振芳風配聖饋圖辟雍紀德行昭罔窮

吳九真太守谷朗碑

續苑十五

六

府君諱朗字義先桂陽耒陽人豫章府君之曾孫公
府君之孫郎中君之子也其先世自顓頊益爲舜虞
賜姓嬴氏至于扉子封於秦谷因而氏焉君承洪原
之清流稟奕世之高素履道思順德行純備三歲喪
母十一亡父獨與弟居承奉繼親和顏悅色孝友溫
恭曾閔之操君其蹈焉弱冠弱冠仕郡歷右職守陽安長
淑問宣深遂升王府除郎中尚書令史郡中正遷長
沙劉陽令播渥惠以育物垂仁恩以布化莅政未期
徵拜立忠都尉尚書郎靖密樞機名冠衆僚此二字今釋
遷部廣州督軍校尉正身率下不畏彊禦絜清蕩濁
萬里肅威此字今釋功成辭退拜五官郎中遷大中正平

衡清格，蘇倫攸敘于岿。此字今釋交州竊巨判國戎車婁

起。此二字今釋干戈未戢，帝思碑。又訓咨羣司，僉以君往

部南州，威恩素著。此二字今釋遷九真太守，君稟明德所

歷垂勲，宜延遐紀光讚。此字今釋皇家如何不永，春秋五

十有四，鳳皇元年四月乙未，寢疾而卒，嗚呼哀哉！凡

百君子莫不嗟痛，乃立碑作頌，以顯行績。其詞曰：

於樂府君稟性，通積行闡闕九族，睦雍羽儀上京。

德與雲騰，入蹈丹墀，夙夜靖恭，出撫梨民，風移俗興。

名參豹產，勲齊往縱，當承黃耆，翼佐帝庸，昊天不弔。

哲人其終，濟濟縉紳，靡瞻靡靡，宗勒茲石，永光無窮。

案歐趙著錄皆有此碑，至翁氏兩漢金石記始載全文，今以拓本釋其所缺并改訛錯

續苑十五 七

故使持節侍中太傅鉅平成侯羊公碑

晉李興

公諱祐，字叔子，泰山南城人也。其先晉羊舌大夫之

胄，當漢中興，始自南陽家于岱野，纓冕相繼，九世于

茲矣。顯祖南陽太守，考上黨太守，咸有能名。公承俊

烈之高風，應明哲之盛代，德擅規模，仁成慈惠，其器

量宏深，容度廣大，浩浩乎固不可測已，其志節言行

卓爾不羣，遊神元默，散志青雲卷之，以道籍博之，以

藝文。于是仁聲遠耀，芳風遐流，年十有七，上計吏察

孝廉，州辟不肯就，羣公休之。四府並命，盤桓累載，及

公車徵，拜中書侍郎，祕書監。于時常晉之盛，明揚英

俊乃引公爲相國從事中郎遷中領軍遇革命之期
任受禪之會秉文經武以集大晉之祚皇采增輝帝
威遠邁偉絕代之風卷唐虞之緒帝嘉厥庸醕以大
國公乃逡巡固讓裁居小邦天子俞咨仍復公中軍
將軍散騎常侍內釐王度外綏區域嚴恭寅畏帝命
允飭運國威于句陳握皇樞于紫極干時之盛未有
上公者也拜衛將軍尚書僕射以揆天機崇成大業
帝道緝熙泰階永肅以江寇未夷乃命公都督荊州
諸軍侍中車騎將軍開府辟命乃養民募財開斥國
界創築五城以防寇衛境然後闡敷皇風懷遠以德
知大同之業思王道之則齊其土人均其利澤軍無

續苑十五

六

虞警民不疲勞農功盈疇百姓布野羣黎被德殊俗
望風吳人感服襁負而至者四萬餘口進位征南大
將軍公雖享有茅土厯登台階吐飧下士貳於姬公
方將殫彼戎吳經國弔民然後偃甲戢兵辭功退身
以優遊乎初好此公之素志也會邁篤疾春秋五十
有八咸寧四年十有一月庚寅薨于京邑天子痛悼
遣使持節追贈侍中太傅南城侯印綬賻弔加于常
也及其葬上親臨過車騎諡曰成侯天子以公德高
勛大而屢辭封爵故復建南城之國特以封公公哲
讓終始上未之許及其薨也夫人夏侯氏追公克讓
之志遂不以斂公自出身以至于終忠言不輟于口

嘉謀不廢于心成其業不處其功勤其勲不榮其祿
儀型言行動爲世範暨六年春平吳策詔曰故太傅
鉅平侯羊祜造建平吳之規潛謀遠畧與衆殊慮勲
業不遂然蕩滅之計悉如祜策固能夷曠世之寇拯
黎民之患勲烈宏著而寵不逮身其遣使以克定之
功策告祜廟昔漢氏封蕭何夫人爲侯以崇顯元功
亦古之令典封祜夫人爲萬歲鄉君食邑五千戶賜
絹萬疋于是故吏高文奚廉等僉以公德高而志卑
位優而行恭徽猷被于江漢懿德及於羣生涉其風
者貪夫廉懦夫立雖夷惠之操奮乎百世曷以尚之
奇謀潛畧清功遺緒靡所寘心乃共揭石刊勒盛軌

續苑十五

九

永表風烈焉其辭曰天臨有晉乃降皇輔猗歟惟公
應期協矩聰哲神睿乃文乃武曰唐曰虞淵淵其度
翼翼其明孝思以形乃耀高風辭爵讓榮爲而不有
志凌太清如何不弔中年殞

末

刊

是表

是旌

久漫滅再書于梁大同重立于唐大中三鑄于宋景
祐而元八周伯溫又摹而樹之今之存者則憲治十
四年重立者也府志以碑爲李與初
撰蓋由誤讀者舊記又訛與爲與耳

太公呂望表

晉盧无忌

齊太公呂望者此縣人也遭秦燔書史失其藉至大
晉受命吳會既平四海一統太康二年縣之西偏有
盜發冢而得竹策之書書滅之年當秦坑儒之前八

十六歲其周志曰文王夢天帝服元襪以立於令狐之津帝曰昌賜汝望文王再拜稽首大公於後亦再拜稽首文王夢之夜太公夢之亦然其後文王見太公而訓之曰而名爲望乎荅曰唯爲望文王曰吾如有所於見汝太公言其年月與其日且盡道其言臣此以得見也文王曰有之有之遂與之歸以爲卿士其紀年曰康王六年齊太公望卒參考年數蓋壽百一十餘歲先秦滅學而臧於丘墓天下平秦而發其潛書書之所出正在斯邑豈皇天所以章明先哲著其名號光于百代垂示無窮者乎於是太公之裔孫范陽盧无忌自太子洗馬來爲汲令般谿之下舊

續苑十五

三

有壇場而今墮廢荒而不治乃諮之碩儒訪諸朝吏僉以爲太公功施於民以勞定國國之典祀所宜不替且其山也能興雲雨財用所出遂脩復舊祀言名計借鑄石勒表以彰顯烈俾萬載之後有所稱述其辭曰

於爍我祖時惟大公當殷之末德元通上帝有命以錫周邦公及文王二夢惟同上帝旣命若時登庸遂作心膂寅亮天工肆伐大商克咸厥功建國胙土俾侯于東奮乎百世聲烈弥洪般谿之山明靈所託升雲降雨爲膏爲澤水旱厲疫是禳是禳來方禋祀莫敢不敬報以介福惠我百姓天地和舒四氣通正

災害不作，民無天命，嘉生蕃殖。遠逝，迄用康年。稼穡茂盛，凡我邦域，永世受慶。春秋匪解，無隕茲令。大康十年三月丙寅朔十九日甲申造。

侍中嵇侯碑

裴希聲

夫君親之重，非名教之謂也。愛敬出於自然，而忠孝之道卑矣。樸散真離，背生殉利，禮法之興，於斯爲薄。悲夫！晉弋陽子嵇紹，字延祖，資乾剛之純粹，體中和之淑靈。少有清劭之風，長懷仁之度，加以通朗掩濟，靡才不經，學爲儒宗。庶績光被，弱冠登朝，則敷文秘閣，晚節強仕，則納言樞極。太安之初，權臣擅命，皇輿親征，次於蕩陰。六軍奔散，兵交御輦，紹儼然端冕。

續苑十五

三

正色以扞鋒刃，遂殞命於御側。忠誠感人，神義聲震四海。銘曰：

二儀肇建，君臣攸序。我我侍中，應期作輔。外播仁風，內舉心膂。孰慈弗勇，靡仁不武。見危授命，背生殉主。確乎其操，邈乎其崇。矯矯王臣，憲茲遺風。在親成孝，於敬成忠。

右光祿大夫西平靖侯顏府君碑

李闡

君諱含字宏，都琅邪臨沂人。春秋以降，戰國以前，賢智比肩，備於載策。昭穆次序，上至顏燭，漢末喪亂，舊譜淪亡。自青州使君以上，不復詳具。祖欽，給事貞侯。

父默汝陰太守學素相承有聲邦黨君幼稟貞粹長而好古睦親之譽發於羈貫每讀書見孝友通靈之事輒悽然改容以爲人神相與何遠之有但患人心澆僞自絕於神耳苟能無以僞雜眞神其捨諸修已立誠盡歡就養訓行閨門義達州里久要心許之信夷險不爽正冠納履之嫌終始不踣兄畿患亡更生君棄絕人事蓬首屏氣以就嗆養者十有三年次關繁欽孫老而失明合藥須髯地膽有青衣童子持裹授君出尸化成青鳥飛去本州辟不就鎮東琅邪王參軍事過江累遷東閣祭酒朝議謂君正性端素學行通深有命太子中庶子轉黃門侍郎本州大中正

續死十五

三

封回車縣侯轉侍中吳郡太守事停還除侍中國子祭酒加散騎常侍光祿勳以年遜位就加右光祿大夫門施行馬特賜牀帳被褥四時致膳固辭不受馮懷欲爲王導降禮君不從曰王公雖重故是吾家阿龍君是王親丈人故呼王小字王處明君之外弟爲子允之求君女婿桓溫君夫人從甥也求君小女婚君並不許曰吾與茂倫於江上相得言及知舊拔淚敘情茂倫曰唯當結一婚姻耳吾豈忘此言溫負氣好名若其大成傾危之道若其關敗也罪及姻黨爾家書生爲門世無富貴終不爲汝樹禍自今仕宦不可過二千石關婚嫁不須貪世位家時議者以君審

裁將以應軍司之選君遽告蔡謨曰此非輕弱所宜尸忝羯逆方熾當保國養民以俟事會想愛人以禮宜寢此言主相聞之卒不授督統之任謨秉君此言終不唱討賊之計在朝正立不昵權豪及致仕退居長子髦解職視膳中子謙躬率田桑中外莫不取給闔門靜軌廿餘年九十三薨遺命素棺薄斂吉凶官飾一無施列天子嗟悼詔賜墓田諡曰靖侯禮也停柩在殯鄰家失火三子抱柩號惶分同灰燼焱爛垂及歟然頓滅論曰君乎生素行既感達幽靈終殯在堂又獲福異豈神祇保佑以顯淳德乎聞託姻顏氏頗識舊聞與君二子髦約採集言行而著此傳銘曰

續苑十五

垂

嶠夷導日岱方禋春星離望合水別浸鄰少陽畜德蒼祇效神孕僊字聖誕智息仁洙上道奧稷下儒淵乃昔宗林傾席曜筵升門取僑接室稱賢闔則遯哀燭亦抗宣獷彼琅邪實惟海宇憬屬之罟邪臨潮撫載濟越師大淹秦旅誰其來遷時聞遠祖青州隱秀爰始貞居內辟鼎府外康邦閭建節中平分竹黃初刑清齊右政偃營區葛嶧明懿平陽聰理或薦公庭或登宰士列美霸朝雙風千里華萼之茂於昭不已博士淵退再逡儒聘案聘舊誤躬今改正貞子七穆比世稱盛無忝汝陰有偉安定舍人攷敏亦允儲命靖侯潛德信豈在明言則測幽歎實聳靈仁親之寶大孝之榮

官必凝績學乃敦經隨難蕃霸特安闡掖扶元陟帝
翼成復辟忌滿裁婚鑿沖貶石望年靜駕樂恬延厯
三祖連光衆門稟教於詩列孝克端殊操潔景衡陰
湮心理與任不窮秩是謂高蹈山曾木闕胃積芟深
永惟世闕思樹辭林碑表有毀策素匪任誦靈墳阿
長寄風音

晉江夏李闡字逵模傳曾孫宋金紫光祿大夫贈特

進延之字延年銘大歷七年歲次壬子夏四月甲寅

十四代孫唐金紫光祿大夫前行撫州刺史上柱國

魯郡開國公真卿書重建於舊龜趺上建康志顏含

夫西平靖侯顏府君葬靖安道旁考證云晉顏含乃

唐時真卿十四世祖也得古碑於靖安道旁乃李闡

古

及顏延之文墓不知所在

丞相桓溫碑銘

晉袁宏

文武開業尚父定王佐之契宗周不競桓公逵九伐

之勲脫屣於必濟之功忘懷於屈伸之會高氏字誤

出乎生民公亮坦於萬物遂復改謀迴慮策馬武關

摠轡丹析之塗揚鞭終南之嶺兵交則戰無全敵勸

義則襁負雲集徒以懸軍輕進困蓄靡儲而豺狼懼

殪保固窟穴乃方軌迴轅反歸凱入雖奇功大勲未

捷於一朝而宏謨神畧義高於天下惟公秀傑英特

奇姿表於弱冠俊神朗鑒明統備於成德巾褐衡門

風流推其高致忘已應務天下謝其勲業輔相兩儀

而通運之功必周虛中容長而方圓之子咸得道濟
而不有處泰而逾約可謂固天時縱生民之傑者也
銘曰

美盡黃裳道暢伊呂哲人應運命世作輔卓卓英風
畧畧宏宇亮心高列俊神閭舉忘已濟物撫化翼世
河洛澄流華梁卷翳俾我仁公道作鏡如何不弔
雲巒落映

續苑十五

五



